



बान्धेयारि "बड'सा" खरीलाइयाव  
स्माज्यारि जिज्जो लोब्बा थानाय रायथाय, खन्थाय,  
सल', सल'बाथा आरु बावबायारि थावनि, पार्क  
बाइदिनि स्थायाव लिहनाय लिहबिबां वैथाय डर/  
बान्धेयारि "बड'सा" खरीलाइया खेबखानावै  
फोखावगोब।  
बड'सायाव लिहहरनायनि दुबा खालाम,  
"बड'सा" खरी नैथि, जो बयबो आंगो खालाम।  
सानसेयारि बड'सा मावखुनि  
माइबं नोगोर, जोहोलाव दैमालु लामा  
कक्राझार, बिटिसि-783370  
Website: www.bodosanewspaper.com

BODOSA ★ A Bodo News Daily ★ Wednesday ★ 31 January, 2024 Kokrajhar, BTC, Assam ★ Vol.-33, Issue No. 302 ★ R.N.I. Regd.No. 40994/91, Assam Govt. Regd.No.IPRD.40/2006/3, ★ Rs.8/-

**आडु लियाव माहारियारि**  
**राजा लामायाव**  
**गिखंथाव लामानि**  
**जाब्रबथाय सोमजिदों**

भवानिपुर, 30 जानुवारी:  
बाक्स जिल्लानि  
आडुलियाव 127 नं भारत-  
भुटान माहारियारि राजा  
लामायाव थानाय हराव मोनसे  
गिखंथाव लामानि जाब्रबथाय  
सोमजिदों। मख'नो गोनांदि,  
एन एल 01 जि 8996 नम्बरनि  
सिमेन्ट रोगानाय गंसे ट्राकआ  
128 नं भारत-भुटान माहारियारि  
राजा लामाजों थानाय थानाय  
समावनो सामब्लायथाय  
खोमानानै लामायाव  
बेलथायलाडो। ट्रेक  
बेलथायलानायनि जाडनाव  
बाक्सानि धेमधेमानि थागिरि  
(□ 5 बिलाइआव)

## मिरु एबसुआ एपिएससिआव उथिसारनाय बिजाथिफोरखौ बरायदों बर' हारिनियाव रोजा-रोजा आइएस, आइपिएस सोरजिनो अरायथा अरियेन्टेसन सेन्टार खालामगोन: दिपेन बर'

बिजनी, 30 जानुवारी:  
दुलाराय बर' फरायसा  
आफादआ 2022 बोसोरनि  
एपिएससिआव उथिसार जानो  
हानाय बर' बिजाथिफोरखो  
बरायनाय आरो मान बाडनाय  
हाबाफारिखौ चिरानि बिजनी  
मंगलियान हाथाइसालियाव  
खुंफुदों। बेजों लोगोसे 8थि मिरु  
रोंगोथि सायख'  
आन्जादआव(2023) सेथि,  
नैथि आरो थामथि मासि  
आवगिनो हानाय गु आरो जि  
(□ 5 बिलाइआव)



**पद्मश्री बान्था मोन्नो हानाय आबादारि सरबेस्वर बसुमतारि आरो आसाम  
गौरब बान्था मोन्नो हानाय तेनजिं बड'साखौ एबसुआ मान बाउदों**

बिजनी, 30 जानुवारी:  
हारिनाइ देग्लाड बर'नि सानै  
आंगो फिसाया गोग्गाथाव भारत  
आरो आसाम थाखोनि बान्था  
मोन्नो हादों। बेनिनो सानैबो  
आबाद मावनायनि गेजेरजों  
भारतनि गोजों थाखोनि नोगोरारि  
पद्मश्री बान्था-2024 खौ मोन्नो  
हायो चिरां जिल्ला बिजनी  
(□ 5 बिलाइआव)



**बड'फा जिउ खुंनाय राहा मिशननि सिडाव  
आइजो मुलाम्फायारिफोरनि गेजेराव ट्रेक्टर रान्दों**

कक्राझार, 30 जानुवारी:  
बड'फा जिउ खुंनाय राहा  
मिशननि सिडाव आइजो  
मुलाम्फायारिफोरनि गेजेराव  
आबाद मावनो थाखाय मेसिन  
रान्दानै होनाय जायो। दिनें  
कक्राझार सहरनि खाथियाव  
थानाय देबोरगामियाव गासै सा  
30 आइजो मुलाम्फायारिफोरनि  
गेजेरजों बे मेसिनफोरखौ रान्दानै  
होयो बिटिसिनि गाहाइ मावफुं  
सोद्रोमा प्रमद बर'आ।  
आइजोफोरनि गेजेराव मेसिन  
रान्दानै बिटिसिनि गाहाइ  
मावफुं सोद्रोमा प्रमद बर'आ



बुडोदि, दानिया आइजोफोर  
आबाद मावनायाव खस्थ  
खालामनो गोनां गैलिया। सिगां  
आबाद मावनाय आइजोफोरनि  
आरिथाया दानिया नै गुन बांगोन।

बे मेसिननि गेजेरजों आइजोफोर  
आबादाव मुलि सारनाय, दै  
जगायनाय, माइ गायनायनि  
अनगायबो माखासे  
(□ 5 बिलाइआव)

**आसामनि माहारियारि सोल्लोंथाय खान्थि-2020 खौ  
मावफुंनायाव सिगांनायनि सोमोन्दै सावराय जथुम खुंदों**

**गोजौ सोल्लोंथायाव राइज्योनि गासै मुं थिसन्नायनि रुजुनायखौ बांहोनायनि  
गोनांथि होनायनि सायाव गिबि मन्थि ड० हिमन्त विश्व शर्माआ गोनांथि होदों**

दिसपुर, 30 जानुवारी:  
राइज्योनि गोजौ सोल्लोंथाय  
फसंथानयाव माहारियारि  
सोल्लोंथाय खान्थि-2020 खौ  
मावफुंनायनि सोमोन्दै रजभवन,  
आसाम आरो आसाम सरकारनि  
गोजौ सोल्लोंथाय बिफान आरो  
सरसनस्था खुंथाय बिफाननि  
बान्जायनायाव खानापारायाव  
थानाय आसाम खुंथायारि  
(□ 5 बिलाइआव)



**खारबाय थानाय  
रेलिनफ्राय आंखारनो  
नाजानायावनो  
अवथिरायै सासे सुबुनि  
जिउ ख'हा**

कक्राझार, 30 जानुवारी:  
कक्राझार रेलवे स्टेशनयाव दिनें  
मोनसे गिखंथाव जाथाय  
सोमजिदों। रेल पुलिसनि  
सुलुडा फोसावनाय बायदिये  
बेलासिनि 4:00 रिंगासोयाव  
बडाइगाव रेलवे स्टेशननिफ्राय  
सासे सिखलाया गुबुन सासे  
संज्राजों आफां फारसे फैनाय  
शराइघाट एक्सप्रेस रेल गारियाव  
गाखोनानै कक्राझारसिम फैनो  
(□ 5 बिलाइआव)

**बिकेडल्लिउएसिनि गामि  
सिनायथिनाय, बियाब थि  
खालामनाय, बिसायख'थि खुंनो  
सरकारआ फोसावनायखौ  
इउबिपिआ बरायदों**

सान्जारि नोगोर, 30 जानुवारी: बर' कसारी अन्साय  
गावखुंथाय हायुनि गामि सिनायथिनाय, बियाब थि  
खालामनाय, बिसायख'थि खुंनो सरकारआ फोसावनायखौ  
खौसेथि बर' सुबुं आफाद (इउबिपिआ) आ बरायदों। मख'नो  
गोनांदि, थानाय 28 आरो 29 जानुवारीआव चराइदेउ जिल्लानि  
सनारिनि बेडेनाबारि सियकहाबि गामियाव दाउखा हाजोआव  
मेहेर गोनां हाबाफारिजों मैया खुंफुंनाय इउबिपिआनि 10 थि  
बोसोरसालिया जथुम्मानि (□ 5 बिलाइआव)

**नोलोबारि बियाब बाथौ आस्रमाव सुबुनि होंगो-दोंगो थासारिजों खुंफुंजालांबाय  
उदालगुरि जिल्ला दुलाराय बाथौ गौथुमनि खुंगा 33थि बोसोरसालिया जथुम्माया  
गोदोनि आरो दानि बाथौनि गेजेराव हा आरो  
अख्रानि फारागथि दडः निलकान्त गयारि**

उदालगुरि, 30 जानुवारी:  
सोरजिगिरि आनान गसाइ बोराइ  
बाथौनि दहाय लानानै बाथौ  
दोहोराम गोसारनाय आरो  
जौगानायनि बेलायाव गुवारै  
सावरायनो थाखाय थानाय 28,  
29 आरो 30 खालाराव  
सानथामनि हाबाफारिजों  
उदालगुरि जिल्ला दुलाराय  
बाथौ गौथुमनि खुंगा 33थि



बोसोरसालिया जथुम्माया  
नोलोबारि बियाब बाथौ  
आस्रमाव दिनें मोनसे गाब गोनां  
हाबाफारिनि गेजेरजों  
खुंफुंजालांबाय। उदालगुरि  
जिल्ला दुलाराय बाथौ गौथुमनि  
आफादगिरि कान्दुराम बर'नि  
दैदेनाय आरो बिटिआरनि गाहाइ  
मावफुं सोद्रोमा प्रमद बर'आ  
(□ 5 बिलाइआव)

**माहारियारि देहा बिथांखि, आसामनि दरफ्रोमबो  
जिल्लानि राइज्योयारि थाखायाव सावराय जथुम  
आरो मावबादा देहा मन्तन-11 खौ खुंदों**



गुवाहाटी, 30 जानुवारी: माहारियारि देहा बिथांखि, आसामआ  
गुवाहाटीनि बसिस्तआव आसाम जल भवनआव दिनें सानसेनि  
हाबाफारिजों नायगिदिनाय आयदानि सावराय जथुम आरो मावबादा  
'देहा मन्तन-11' खौ खुंदों। बे मावबादायाव माहारियारि देहा  
बिथांखि, आसामनि बिथांखि बिथोनगिरि ड० एम.एस. लक्ष्मी  
प्रिया (आइ.ए.एस), माहारियारि (□ 5 बिलाइआव)

**मानास फोर्बोआव आसामनि केबिन्ट मन्थि सन्जय  
किषानआ बाहागो लानानै रंजाखांनाय फोरमायदों**

भवानिपुर, 30 जानुवारी:  
मुलुगदांखा जारिमिनारि मानास  
माहारियारि हाग्रामानि गाहाइ  
हाब्रग लामा बासबारि रेन्जिनि  
सेथि हाब्रग लामायाव 7 साननि  
हाबाफारिजों खुंनाय मानास  
फोर्बोनि दिनेंनि 6 थि सानआ  
मेहेर गोनां हाबाफारिजों  
(□ 5 बिलाइआव)



दुलाराय बिटिआर गरिया-  
मरिया हादतयारि फरायसा  
आफादनि मिरु 2थि नै  
बोसोरारि जथुम खुंदों

तामुलपुर, 30 जानुवारी:  
साननैनि हाबाफारिजों  
कु मारिकातायाव दुलाराय  
बिटिआर गरिया-मरिया  
हादतयारि फरायसा आफादनि  
मिरु 2थि नै बोसोरारि जथुम्माया  
(□ 5 बिलाइआव)

**सिमेन दखरा दुलाराइ बर' फरायसा आफादनि  
खुंगा 33 थि से बोसोरारि थान्दै जखन्थाइ खुंदों**

सिमेन सिपरि, 30 जानुवारी:  
धेमाजि जिल्लानि सिखव थानाय  
सिमेन दखरा दुलाराइ बर'  
फरायसा आफादनि खुंगा 33  
थि से बोसोरारि थान्दै  
जखन्थाइखौ दरबा गामि फारिये  
1 नं, 2 नं, 3 नं जयपुर,  
बुराभकट, 1 नं भुराभकट



गामिनि जुथायै बान्जायनायाव  
2 नं जयपुर गामिनि गेलेग्रा  
फोथाराव सानसेनि मेहेरगोनां  
हाबाफारिजों खुंनाय जायो।  
हाबाफारि बायदिये फुंबिलियाव  
जखन्थाइनि गाहाइ दरखंखौ  
बेखेवनानै होयो 2 नं नावकाटा  
(□ 5 बिलाइआव)

**बरतारिनि श्रीश्री रखाल गसाइ थान सत्रआव  
बोसोरारि धोरोमारि फोर्बोआ जागायजेनबाय**



भवानिपुर, 30 जानुवारी: बाक्स जिल्लानि सालबारि महकुमानि  
सिडाव थानाय बरतारिनि जारिमिनारि श्रीश्री रखाल गसाइ थान  
सत्रआव सानथामनि हाबाफारिजों (□ 5 बिलाइआव)

**मुम्बाइनि फिल्म सिटियाव कक्राझारनि  
सानै बादायगिरिफोरा बिमुं देरहादों**

कक्राझार, 30 जानुवारी: भारतनि  
रांखान्थिनि राजथावनि महरे मुंदांखा  
मिबथिजानाय मुम्बाइनि फिल्म सिटि  
बलिउड फार्कयाव खुंजानाय एसडि  
इडनिभास सिजन-2 नि हारिमायारि  
समायना बादायलायनायाव बिटिआरनि  
सदर कक्राझार जिल्लानि सानै लाइमोन  
सिखलाफोर आलादा-आलादायै बिमुं  
आजिनायजों मुंदांखा जानो हादों। बेनिनो



सासेआ कक्राझार सोहोरनि साखाथियाव  
थानाय भतगाव माजपारानि थागिरि  
कल्यानी चौधुरी आरो गुबुन सासेआ  
कक्राझार सोहोरनि थागिरि आयसि दे।  
आथिखालाव कक्राझार सोहोरनि बिसोर  
सानै लाइमोन सिखलाफोरा मुम्बाइआव  
खुंनाय हारिमायारि समायना  
बादायलायनायनि जाफुसारनायाव बिटिआर  
नाइने (□ 5 बिलाइआव)

**हातिभाडि किरतन न'नि 50 थि गायसन्थाय  
सान आरो बोसोर नाडै स'नाथि माइथाय  
फालिथायनि थुंगे हाबाफारि खुंदों**



भवानिपुर, 30 जानुवारी: बाक्स जिल्लानि सालबारि महकुमानि  
सिडाव थानाय धेमधेमा हातिभाडि किरतन न'नि 50 थि गायसन्थाय  
सान आरो बोसोर नाडै स'नाथि माइथाय फालिथायनि थुंगे  
हाबाफारिखौ मैयानिफ्राय साननैनि (□ 5 बिलाइआव)

## सुजुगिरिनि खोलोम

### औवानि गोनांथि आरो बर' हरिमु

बर'याव फंसे राव दड- उन्दैयाव सि गानो, देरोब्ला लंथं जायो-। औवा। बर'नि जिउ खुंनायाव एंगारजायै मुवानि गेजेराव औवानि बिहोमाया बयनिबो गोजौसिनाव। बेखायनो बुंनोबो हागौ बर'फोरनाव औवानि हरिमुवा एग्रे-बेग्रे। बाथौ थानसालि दुमनायनफ्राय लानानै ओंखि जानाय मेवाइ, न'बां लुनाय जेरावबो औवा नडब्लानो राहा गैया, औवा गैयाब्लानो बर'नि राइजो जानांगौया आस'खान्दा।

ना सानो सेन, खखा, थखा, सेन्द्राय, जेखाइ, खबाइ, बोरसि दान्दा; मैहरुनि थाखाय जं-बौला, सिबनो-सालिनो थाखाय संग्राइ, सान्दांगा, सान्द्रि, लामनाय-बिरनाय-बान्नायनि थाखाय दाहा, हुखेन, बावखा, बाथि, हासिनि, संनाय-एरनाय खुरनायनि थाखाय बन, खादौ, सार्ग, दानाय-लुनायनि सोरखि, दाडनाथा, बौदांगि, गनसि, सेवारि, खादिनि, खुन्थिया, रासो, न'बां लुनायनि खुन्थिया, फेराइ, थेवयोल, खाथिमाल, रोजाबनाय मोसानायनि थाखाय हाखाउ, सिफुं, बिडि जेरावबो जैरेबो औवानि गोनांथि दं बर'नि राइजो जानायाव। बेनि अनगायैबो नाफाम हासुं, नो हासुं, लावथि, दान्दा, थखन, लोरगि, जान्था, लावथाय, खादा, आबै दांगि, जेवरा, जांख्ला, मै-जुंगाल-दांगुर, बैसां जेरावबो औवानि गोनां जायो।

गथ' जोनोमनि उनाव उथुमाय हास'नाय खाथिनफ्राय गोथै बानगरनाय समसिम औवा नडब्लानो बर'नि हरिमुया आबुं महर नुजाया।

औवानि बेफोर गुन आरो गोनांथिखौ नाइनानै आथिकालाव औवानि आबाद खालामनो जोथोन लानांसिगौ। औवानि बेसेन बारायलाबनो लानायाव बारिनि औवा सुबाखौ दानग्लुनानै लांदां खालामनो लानायाव जौनि ओन्सोलनि गामिफ्रा औवा बारिजौं ग्रीम ग्रीममोनब्लाबो आंखाल नुजाहांबाय। बेखायनो औवानि गोनांथिया बर' हरिमुयाव गोनांथार नोजौरै आरो फालांगियायि बिथिडै औवानि आबाद खालामनाय आरो थाखानाय बारिखौ जोथोन लानांगौनि सम सौफैबाय। दासादि जौगा जोलैनि औवा जोलै लाबोनानै सरकार बिथिनफ्राय औवा बागान खालामनायनि थुलुंगाबो होदौं औवानि गोनांथिखौ नायनानै।

बेराफासै इयुन जोलैनो बर'नि औवा हरिमु आरो राइजो जानायनि आदोब आखुनि रेसखौ गालांनो बर'साफोर बाहायग्रा औवानि आइजें-आइला हेबनाय-दानायनि ट्रेडिनि सेन्टार गायसन्नायनि गोनांथि दंसे।

## दिनैनि फान्जामुथि

### राशि बाइदिथै मुंनि गिबि हांखो

मेष : अल वृष : ऊब (उ ए इ) मिथुन : क छ (ड घ)  
 कर्कट : ड ह सिंह : म ट कन्या : प ट (ण ष)  
 तुला : तर बुश्चक : ब न धनु : ध भ (ढ फ)  
 मकर : ख ज कुम्भ : ग श (स) मीन : द च (ख ज झ)

- मेष:** रावनिबो बोसोन लायै अखायै सोलिनो हागौ। गोसोखौ हमथा।
- वृष:** फालांगि मावनायाव रंखावरि मुलाम्फा मोन्नो हागोन। गोजोन मोनगोन।
- मिथुन:** जेखि जाया माबा मोनसे मुवा-बेसाद ख'हा जानो हागौ। गोसोखौ गोजोन गैयै मोनगोन।
- कर्कट:** साखि मावनानै सोलाय-सोल' जानो हागौ। सांग्रां जानांगोन।
- सिंह:** जेखि खामानायनो जाया मावनानै लानो हागोन। नौथानि थाखाय गाहाम सान।
- कन्या:** मानिबा थाखाय गोसोआव दुखु मोन्नानै गाबनांनो हागौ। गोसो हमथानानै था।
- तुला:** नख'रआव बिदा फंबायजौं गावसालानाय जानो हागौ। जेखियानो जाया गोसोखौ हमथा।
- बुश्चक:** माबाफोर जेनायाव गोलेबायनो हागौ। जैरेबो सांग्रां जानानै थानांगोन।
- धनु:** मेगनि बेराम गोनां सुबुडा सांग्राडै लाखिनगोन। डक्टरनि बोसोन मानिनांगोन।
- मकर:** मानिबा फोबॉनि समाव रंजा-बाजा खालामनो हागोन। मुलाम्फा मोनगोन। मोजां सान।
- कुम्भ:** सान्नाय थांखिया जाफुडैनि थाखाय गोसोआ बायफलेलानो हागौ। जेखि जाया नाजानांगोन।
- मीन:** गोबाव समनि मोजां खामानि मावबोनाय बान्था मोन्नो हागौ। गोसोखौ गोजोन मोनगोन।

## अखाफोरा लासैयै गुगालांगासिनो थानाया बहुमनि थाखाय बेसेबां गोहोम गोनां ?

गोदान दिल्ली, 30 जानुवारी : बुहुमनि बयनिखुइबो साखाथिसिनाव थानाय अखाफोरा जामलांगासिनो दड। मोनसे गोदान स्टाडियाव बिगियानगिरिफोरा बेखौ दाबि दैखांदौं। अदेबानि बेनि बागै गोथौ जिगा सिनांगौनि गोनांथि गैया होन्नानै बुंनाय जादौं। इउएसए टुडेनि रिपर्ट बायदिब्ला, स्टाडिनि लिगिरि मेरिलेन्ड इडनिभासिडिनि निकलास स्मेरआ फोरमायदौंदि, बुहुमाव बेनि जेबो गोहोम गोलेनाय नड। रिपर्टआव बुंदौंदि, थानाय 100 बोसोराव अखाफोरनि बाहागोनफ्राय 150 फुट ल' गुगालांदां एबा जामलांदां। बेनि जाहोना जादौं बेनि मिरुआ लासै लासै गुसु जालानाय। स्टाडियाव मिबथिनो मोन्दौंदि, अखाफोरनि गुदु इंसिडरि बाहागोया लासै लासै गुसु जाबोगासिनो दड, जायजौं अखाफोरा गुगालांनयाव अखाफोरनि सा बाहागोयाव सिन एबा गावसालाना सोमजिखांदौं। स्मेरआ बुंदौं, जेरेबायदिथै बे गावसालाना जादौं बेबायदिथाव अखाफोरनि मिरुआ सोलायाखै।



बेनिखायनो बेखौ जायखि जाया मख'जाथाव रोखोमे जायि चक्रखौ गोहोम गोखलैनाय नड। बेनि अनगायै अखाफोराव सोलायनाय ओरेबायदि फिसादि, बेनि गोहोमा अखाफोरनि ग्रेहेन नांनय एबा खोलोबफोरनि सायाव जेबो गोहोम खोखलैनाय नड। अदेबानि जिगासि मोनसे बाथ्राया जादौं अखाफोराव गावलानो हमनाया बैयाव बांग्रि मावनयनि जाहोना जानो हागौ। बेयो इयुनाव जायखि जाया अखांमा दावबायारिफोरनि थाखायबो खैफोद गोनां जानो हागौ, जायफोरा अखाफोराव

आगान होनो नाजादौं। बे स्टाडिया थानाय सप्ताहयाव प्लेनेटारि साइन्स जार्नेलआव सेबखांजादौंमोन। स्टाडिखौ देदेन्नाय स्मीट सनिया इन्सटिटुटसननि बिगियानगिरि एमेरिटस टम वाटर्सआ बुंदौंदि, अखाफोराव गोबां लोर-सोर सोलिबाय थायो। बेयो माखासे ओरेबायदि जाथाय जायखौ जौं नोजोर लाखिनांगोन। जर'खायै जेब्ला अखाफोराव गोलाव समसिम नोजोर लाखिनायनि थाखाय यजो बानायनाय समाव बेखौ नोजोर लाखिनाया गोनांथार।

## इउजिसिनि गोदान गाइडलाइनखौ राहुल गान्धीया रिजार्भेशनखौ फोजोबनायनि खैसार होन्ना बुंदौं



गोदान दिल्ली, 30 जानुवारी : कंग्रेसनि दैदेनगिरि राहुल गान्धीया इउजिसिनि गोदान सेलेबास गाइडलाइनखौ गोसौ सोलौंथाइ फंसथानफोरव एससि, एसटि आरो अबिसि थाखोनो होनाय रिजार्भेशनखौ फोजोबनायनि खैसार सानाय होन्ना रोखायै बुंदौं। पार्टीआ बे केसआव इउजिसिनि मासिगिरि एम जगदिस कुमारखौ बिबाननिफ्राय बोखानायनो होन्ना दाबि दैखांदौं। थानाय रबिबाराखलि कंग्रेसआ इउजिसिनि बे गोदान गाइडलाइनखौ बोखाना लाफिनगौनि दाबि दैखांदौंमोन, जेवव बे बिथीखिखौ लाबोनाय जादौंदि, एससि, एसटि आरो अबिसिनि थाखाय रिजार्भेशन थानाय जायखि जाया लांदां मासिखौ रिजार्भेशन गैयै फोसावना

होनो हागौ, जुदि बे थाखोनिक्राय थोजासे एबा नांगो बायदि बिजाथिफोरखौ मोन्नो हाया। राहुल गान्धीया एक्सआव हिन्दी रावजौं मोनसे परस्टआव बुंदौंदि, इउजिसिनि गोदान बिथीखियाव गोसौ थाखोनि सोलौंथाइ फंसथानफोरव एससि, एसटि आरो अबिसि थाखोया मोन्नाय रिजार्भेशनखौ फोजोबनायनि खैसार सानाय जादौं। आथिखालाव गं 45 मिरुआरि मुलुग सोलौंसालिफोराव 7 रोजा रिजार्भेशन मासिफोरनि गेजेराव 3 रोजाया ओरेनो दडआरो जेराव 7.1 जौखोन्दो गोलेसोनाय हारि, 1.6 जौखोन्दो आदिबासि आरो 4.5 जौखोन्दो उन जानानै थालानाय हारिफोनि प्रफेसार दडा। बिजेपि आरो आरएसएसआ बेबायदि

सोलौंथाइ फंसथानफोरव उन जानानै थानाय थाखोनि हारिफोरनि बाहागोआव थानाय साखिखौबो सेनानै लानो सादौं। बेयो समाजारि बिजिनयनि थाखाय जुजिबोनाय जोहोलावफोरनि सिमांखौ फोजोबनायनि आरो उन जानानै थाबोनाय थाखोनि मोन्नांगौ बाहागोखौ फोजोबनो नाजादौं। बेनो खैसार सानाय एबा फाव फान्दायनाय राजखाथि आरो मोगथाइरि न्यायनि गेजेरनि फराग आरो बेयो बिजेपिनि खैसार। कंग्रेसआ बेफोरखौ माब्लाबाबो जाहोनाय नड। समाजयारि न्यायनि थाखाय जेब्यायबो कंग्रेसआ जुजिबाय थागोन एबा बेफोर लांदां जानानै थानाय मासिफोरव रिजार्भेशन मोन्नाय हारिफोरनि गुण गोनां बिजाथिफोरखौ थिसन्थाइ होन्नानै आबुं खालामहोगोन होन्नाबो बुंदौं। कंग्रेसनि एससि बिफाननि गाहाइ रजेश लिलतिया आरो लेबा, मावफारिया, कंग्रेसनि आफादिगिरि उदिट राजआ बुंदौंदि, बे सुबुं बेरेखा थांखिखौ कंग्रेसनि अजद होनायनि उनाव इउजिसिआ बे फिन्नायखौ फोसावनो थाखाय गोनां जादौंदि, बेबायदि माब्लाबाबो थांखि लायाखैमोन।

## एलन मास्कनि टेस्लाखौ उनाव दोन्ना टयटाआ बांसिन फान्नो हानाय अटमेकारनि बिमुं देरहादौं

गोदान दिल्ली, 30 जानुवारी: टयटा मटर कपरिसनआ दाबि दैखांदौंदि, बेयो 2023 आव मुलुगनां थाखोआव 1.12 कौटि इडनित पेसेन्जार गारि फान्नो हादौं। बे रेकडजौं लोगोसे टयटाआ बयनिखुइबो बांसिन फान्नो हानाय अटमेकारनि बिमुंखौ गावनि मुडव खालामनो हायो। अट कम्पनीआ दाबि दैखांबावोदि, जापानि अटमेकारनि मुलुगनां फान्नो हानाय थानाय बोसोराव 7.3 जौखोन्दो बांनानै 1.12 कौटि इडनित जाहैयो। अदेबानि बेयाव दाइहातसु आरो हिन नि फान्नायाबो दंफायो। बेजौं लोगोसेनो अटमेकारनि बानायग्रा कम्पनीआ लान्थियै ब्रैथि बोसोरबो मुलुगनि नम्बर 1 कार बानायग्रा कम्पनीआ जानो हायो। बेराफासै भकस्वगेन एजिआ गासै 92.4 लाख इडनित पेसेन्जार गारि फान्नो हानायजौं बे फारिस्टाइआव नैथि मासि आवगिनो हायो। मोनसे मिडिया रिपर्टनि बादिब्ला, अटमेकारि जगायथाय



सिरिजआव थासारिआ सोलायनाय आरो 2023 आव सा आमेरिका, इउरप बादि माखासे गाहाइ बाजारफोरव दिदोमथि गोनां दाबि दैखांनया टयटानो दिहुन्थायखौ बंहीनाय आरो मुलाम्फा बंहीनायाव मदद खालामदौं। अदेबानि इलेक्ट्रिक गारि बानायग्रा आरो फननायखौ लानानै टयटाआ उन जानानै थाबोदौंमोन। प्यर इथि सेकमेनआव उन जानानै थादौंब्लाबो मुलुगनाडैनि बांसिन बाजारआवनो हाइब्रिड गारिफोरनि गोसौ थाखोनि आरो दिदोमथि गोनां दाबि दैखांनया टयटानो बेबादि मोजां रोखोमनि फान्नो हानाय रेकड

टकिय, 30 जानुवारी: भारतआ चन्द्रयान 3 खौ अखाफोराव दैथाइहरनानै मुलुगनाडैन्तो बाखायनाय मोननो हादौंमोन आरो बुंदौंमोनदि, बे थिखेर होनाया भारतआ गोखौं नाजानायमोन। भारतनि बे जाफुंसारनायजौं मुलुगनि हादरफोरा सोमोनांदौंमोन। बेल नड, भारतआ साउथ पलयाव सफ्ट लेन्डिं खालामग्रा गिबिसिनि हादरबो जानो हादौंमोन। भारतनि अखाफोरनि समायना सावगारिफोरबो नुनो मोनदौंमोन। जौनि चन्द्रयान बायदिथै, बे खेबाव जापानआबो अखाफोराव सफ्ट लेन्डिं खालामदौंमोन। नाथाय जेनाया बेमोनिदि, जापाननि बे चन्द्रयानआ लेन्डिंनि लोगो लोगो बुहुमजौं बेनि सोमोन्दोआ गोमालांदौंमोन। जेब्ला जापाननि चन्द्रयानआ अखाफोरनि सा बाहागोआव ओंखारदौंमोन अब्ला बेखौ फोथानाय जादौंमोनदि, बेयो आबुंजेजिउ गैयै जाबायमोन। नाथाय बेनि उनाव हरखाबै मोनसे सावथुन बायदि मोनसे सोमोन्थाव जादौंमोन आरो अखाफोराव

## सा करियाआ 1 सप्ताहयाव 3थि खेब कुज मिसाइल गावहरदौं

सियल, 30 जानुवारी: सा करियाआ मंगलबारखालि गावसोरनि सोनाबयारि बोरिमा खाथिनि लैथोमायाव माखासे कुज मिसाइलखौ गावहरदौं। खोला करियानि सांथिफोरा बे बाथ्रानि खौरंखौ होदौं। मख'नो गोनांदि, 1 सप्ताहनिफ्रायबो बाडइसिन समाव प्यंयांआ 3थि खेब कुज मिसाइलफोरनि आन्जाद नायदौं। ज्वन्ड सिफ्ट अफ स्टाफआ मोनसे बिबुंथियाव होदौं, सा करियानि गेजेरजौं मिसाइलफोरखौ फुंनि 7 रिंगायाव लन्च खालामनाय जादौं। बे टेस्टिनि उनाव खोला करिया आरो आमेरिकानि



## भारतआ 2023 सिमाव 7 ट्रिलियन डलारनि रांखाथियारि हादत जागोन: रिपर्ट



गोदान दिल्ली, 30 जानुवारी : मिरु सरकारा दा इन्डियान इक'नमिक: ए रिब्यु मुंनि मोनसे रिपर्टआ फोसावदौं। बेयाव थानाय 10 बोसोराव भारतनि हाथिनयजौं लोगोसे फे नो गोनां समाव इक'नमीखौ लानानै हमदांनो फोरमायदौं। सरकार इक'नमिक साभैनि जायायाव मोनसे स्पेशेल रिपर्ट फोसावदौं। गाहाइ रांखाथि बोसोनगिरि भि आनन्त नागेश्वरनि गेजेरजौं थियारि खालामनाय रिपर्ट 'दा इन्डियान इक'नमी:ए रिब्युआ गासै 74 बिलाइनि, जेराव थानाय 10 बोसोरनि भारतनि हाथिनयनि बागै फोरमायनाय जादौं। लोगोसेनो फेनो गोनां बोसोराव इक'नमीया मा बायदि थागोन बेनि खौरंबो होनाय दड। रिपर्टनि नैथि चेट्टारआव सरकारनि नेम-खाथि आरो गुबुन-गुबुन सेक्टरफोरव प्रप्रेसनि रिब्यु खालामनाय जादौं। बे रिपर्टनि बायदिब्ला, फेगौ 3 बोसोराव भारतआ 5 ट्रिलियन डलारनि रांखाथियारि गोनां हादत जागोन आरो 2023 सिमाव हादतआ 7 ट्रिलियन डलार

रांखाथि गोनां जागोन। नागेश्वरआ रिपर्टआव बुंदौंदि, भारतआ मुलुगनां हा-सा राजखाथियारि जेनाजौं मोगा-मोगि खालामनायनि थाखाय गावनि सायाव फोथानाय दड आरो हादतआ लोरबां थासारिनाय स्टेबिलिटी आरो स्टेथेखौ नुदौं। रिपर्टआव बुंदौंदि, थानाय 2 बोसोराव भारतआ गोथां थावनि जगायथाइखौ गोसौ बेसेनाव थि रोखोमे सामलायनाया मख'जाथाव। लाइमोन भारतीफोर मोजां जिउ खानायनि आसा लाखिनायजौं लोगोसे बिसोरहा गावनि जिउआवनो बेयो जाथागोन होनाबो फोथानाय दड। रिपर्टनि रांखाथि बोसोर 2024 नि थाखाय

7 जौखोन्दो एबा बेनि जौसिन ग्रेट रेट थागोनखौ हमदांदौं। बिबि जायोब्ला भारतयारि रांखाथिया कभिड 19 नि उनाव लान्थियै 4 थि बोसोर 7 जौखोन्दो एबा बेनि बांसिन ग्रेट रेटजौं आवगायगोन। नागेश्वरआ बुंवावदौं, जेब्ला मुलुगनि रांखाथि बेब'स्थाया 4 जौखोन्दोयै बांगसिनो दंमोन, बे समाव भारतनि 8-9 जौखोन्दो गोखेथिजौं बारयनाया गुबुन बाथ्रा। फारसेथिं वर्ल्ड इक'नमीआ 2 जौखोन्दो ग्रेटनि थाखाय नाजानांगोसिनो आरो बे समाव भारतनि 7 जौखोन्दोनिबो बांसिन गोखेथिजौं आवगायलानाया जोबोद मख'जाथाव।

## बे खेबाव वाजेटनि सिगां इक'नमिक साभै फेनाय नडा



गोदान दिल्ली, 30 जानुवारी : बे बोसोराव मिरु सरकारा इक'नमिक साभैखौ दिन्थिनय नडा। रांखाथि बिफाननि बायदिब्ला सरसन्सा बिसायख'थि उनाव जेब्ला सिगांनि वाजेटआ फे गोन अब्ला बेनि सिगां इक'नमिक साभैखौ दिन्थिनय जागोन। भारतनि गिबि इक'नमिक साभैखौ 1950-51 आव दिन्थिनय जादौंमोन। बोसोर 1964 सिम इक'नमिक साभै आरो सरसन्सा वाजेटखौ लोगोसेयै दिन्थिनय जादौंमोन। आथिखालाव इक'नमिक साभैनि अनगायै मिरु सरकारा मोनसे रांखाथियारि रिपर्ट लानानै फेदौं। बे रिपर्टआ थानाय 10 बोसोरनि गेजेराव भारतनि दावबायनायाव दड। बे रिपर्टनि मुडा दा इन्डियान इक'नमि:ए

जानायनि जाहोनाव बे खेबाव इक'नमिक साभैखौ दिन्थिनय जानाय नडा। रांखाथि बिफाननि बायदिब्ला सरसन्सा बिसायख'थि उनाव जेब्ला सिगांनि वाजेटआ फे गोन अब्ला बेनि सिगां इक'नमिक साभैखौ दिन्थिनय जागोन। भारतनि गिबि इक'नमिक साभैखौ 1950-51 आव दिन्थिनय जादौंमोन। बोसोर 1964 सिम इक'नमिक साभै आरो सरसन्सा वाजेटखौ लोगोसेयै दिन्थिनय जादौंमोन। आथिखालाव इक'नमिक साभैनि अनगायै मिरु सरकारा मोनसे रांखाथियारि रिपर्ट लानानै फेदौं। बे रिपर्टआ थानाय 10 बोसोरनि गेजेराव भारतनि दावबायनायाव दड। बे रिपर्टनि मुडा दा इन्डियान इक'नमि:ए

रिभिउ। बे रिपर्टआव फेनो गोनां बोसोरफोराव इक'नमिनि आउटलुकनि सोमोन्दैयैबो फोरमायनाय जादौं। बे रिपर्टखौ गाहाइ रांखाथि बोसोनगिरि भि अनन्त नागेश्वरनि मावख'नि गेजेरजौं थियारि खालामदौं। बे रिपर्टआव रोखायै बेयो भारतनि इक'नमिक साभै नडा होन्ना बुंनाय जादौं। दा इन्डियान इक'नमि ए रिभिउ रिपर्टआव बुंनाय बायदिब्ला हादतआ फेगौ 3 बोसोरनि गेजेराव 5 ट्रिलियन डलारनि इक'नमि जागोन। लोगोसे फेगौ 2030 सिमाव 7 ट्रिलियन डलारनि इक'नमि जागोन। थानाय इक'नमिक साभैफोरव रांखाथि बोसोर 2023-24 नि थाखाय भारतनि जिडिपि ग्रेट रेटखौ 6.8 जौखोन्दोनि गेजेराव सान्नाय जादौंमोन। मुलुगयारि थाखोयाव रांखाथि आरो राजखाथियारि थासारिफोरखौ नोजोर होनानै बेखौ हमदानाय जादौंमोन। साभैनि रिप्ल जिडिपि ग्रेटनि थाखाय बेच लाइन हमदानाया 6.5 जौखोन्दोमोन। फारसेथिं इक'नमिक साभै 2021-22 आव भारतनि डिजिपि ग्रेटखौ 8 निफ्राय 8.5 जौखोन्दो हमदानाय जादौंमोन।

## अखाफोरनिफ्राय मोजां खौरां, जापान हादरनि चन्द्रयानआ फिन थांखाफिन्नाय

टकिय, 30 जानुवारी: भारतआ चन्द्रयान 3 खौ अखाफोराव दैथाइहरनानै मुलुगनाडैन्तो बाखायनाय मोननो हादौंमोन आरो बुंदौंमोनदि, बे थिखेर होनाया भारतआ गोखौं नाजानायमोन। भारतनि बे जाफुंसारनायजौं मुलुगनि हादरफोरा सोमोनांदौंमोन। बेल नड, भारतआ साउथ पलयाव सफ्ट लेन्डिं खालामग्रा गिबिसिनि हादरबो जानो हादौंमोन। भारतनि अखाफोरनि समायना सावगारिफोरबो नुनो मोनदौंमोन। जौनि चन्द्रयान बायदिथै, बे खेबाव जापानआबो अखाफोराव सफ्ट लेन्डिं खालामदौंमोन। नाथाय जेनाया बेमोनिदि, जापाननि बे चन्द्रयानआ लेन्डिंनि लोगो लोगो बुहुमजौं बेनि सोमोन्दोआ गोमालांदौंमोन। जेब्ला जापाननि चन्द्रयानआ अखाफोरनि सा बाहागोआव ओंखारदौंमोन अब्ला बेखौ फोथानाय जादौंमोनदि, बेयो आबुंजेजिउ गैयै जाबायमोन। नाथाय बेनि उनाव हरखाबै मोनसे सावथुन बायदि मोनसे सोमोन्थाव जादौंमोन आरो अखाफोराव



ओंखारनायनि उनाव सप्ताहसेसिम सिरि थानायनि उनाव बेनि स्लिम अखां दिडिया खामानि मावनो जागायजेनो। जापाननि अखांमा एजेन्सि जेएएकसएनि सासे बुंथिगिरिया बुंदौंमोनदि, माबोरै बिथामोनि चन्द्रयानआ जिउआव फेफिनो। बिथाड बुंदौंदि, सानखरखडरि फैनलफोरनि गोन्थि दिगनि थाखाय अखां दिडिनि मोब्लिबखौ दानस'नाय जादौंमोन नाथाय दा बेयो गावनि गोहोखौ बानायफिन्दौं। जापाननि अखाफोर लेन्डिया 20 जानुवारीयाव जादौंमोन। आबुं 9 साननि उनाव जापाना बे सोमोन्दोखौ फिन गायसनफिनबाय आरो खामानि मावनोबो जागायबाय। जापाननि मुन लेन्डारा

अखाफोराव गावनि थांखि खालामनाय लेन्डिं थावनिनिफ्राय 55 मिटार गोजानाव अखाफोर बिसुबनि साखाथियाव मोनसे क्रेटराव मोनसे पिन पइन्ट लेन्डिं मोननो हादौं। बेयो मोनसे बिरोंदामिन जायहा इयुनाव अखाफोरनि खुन्थियाफोरखौ नागिरनायनि गोबां खबु दं, जेराव भारतनि चन्द्रयान 3 आ खोला अखाफोरनि बाहागोआव जाफुंसारि ओंखारनाय मुलुगखौ सोमोनांदौं। बेराफारसेथिं, जापाना गावनि चन्द्रयाननि लेन्डिंखौ खेबसे नड खेबथाम दोन्थ'दौंमोन। जापाना बोथोर बिगियारि जेनानि थाखाय गावनि चन्द्रयान मिशनखौ खेबथाम दोन्थ'दौंमोन।

संगालि बिबानगिरिफोरा थासारियाव जरखा नोजोर होदौं। खौरां एजेन्सि रायटर्सनि बायदिब्ला, बे लन्चआ करियानि प्रायदिपआव बांनय जेनाफोर आरो रबिबाराखालि प्यंयानि गेजेरजौं बिसोरनि सान्जा बोरिमायाव गावहरनाय कु ज मिसाइलफोरनि आरोबाव खनसे बमा गावनयनि उनाव जादौं। सा करियानि सरकारि मिडिया केसिएनएआ थानाय सप्ताहयाव खौरां होदौंमोनदि, हादतआ मोनसे गोदान सोलोयारि खाथि कु ज मिसाइलखौ आन्जाद नायदौं।



## इन्डियान नेभिफोरा पाकिस्ताननि नोगोरारिफोरखौ समालि दाकुफोरनिफ्राय रेखा खालामदों

गोदान दिल्ली, 30 जानुवारी : इज्राइल आरो हामासनि गेजेरव सोमजिनाय दावहानि गेजेरजों लैथोमायारि दाकुफोरनि गोहोआबो बांनो हदमों। फारसेथिं जेराव हुति बिग्रायारिफोरनि फारसेनिफ्राय जाहाजफोरनि सायाव ड्रनजों गार्लोबगासिनो दड आरो बेरफारसे समालि दाकुफोरनि गेजेरजों लुथिनानयि थांखिजों जाहाजफोरखौ नोजोर होगासिनो दड। बे अलखदखौ नोजोर होनानै भारतयारि नेभिफोरा गासै सांग्राथिजों लोगोसे जाहाजफोर आरो लैथोमायारि लामाफोरनि रेखाथि होनायाव नांथाबदों। बेनि गेजेरजों खौरं फैदोंदि, भारतयारि नेभिफोरा गावसोरनि गोहोजों समालि दाकुफोरनि बेंखननिफ्राय सा 19 पाकिस्ताननि नाव



सालायग्राफोरखौ रेखा खालामदों। मख'नो गोनादि, भारतयारि नेभिफोरनि हादतआव पेट्रुलिं होग्रा जाहाज आइएनएस सुमित्राखौ समालियानि सान्जा आरो अदननि लैथोमायाव लैथोमायारि दाकातिफोरखौ होबथानो आरो लैथोमायारि रेखाथि हाबाफोरनि थाखाय थिसन्दों। बेनि गेजेरजों थांनाय 29 जानुवारीखालि मिबथिनो मोनोदि, इराननि फिर्फिला गोनां ना हमाग्रा जाहाज अल नइमी

नेभिफोरा जाहाजखौ रोखा खालामो आरो गबोनाय सालायग्रा दोलोफोरखौ नायबिजिरो। बेनि सिगां थांनाय 28 जानुवारीयावबो आइएनएस सुमित्राया गंसे इराननि फिर्फिला थांनाय ना हमाग्रा जाहाज (एफभि) इमानखौ लांखारनायनि सोमोन्देये मोनसे गिखंथाव खौरंनि फिन्नाय होदोंमोन। बे जाहाजआव लैथोमायारि दाकुफोरा सालायग्रा दोलोखौ बेंखना लादोंमोन। बे जाहाजखौ आइएनएस सुमित्रानि गेजेरजों होबथादोंमोन आरो एसअपिखौ फालिनानै जाहाज आरो बेखौ सालायग्रा दोलो जायफोरनि गेजेरव सा 17 इराननि नोगोरारिफोर दडमोन। बिसोरखौ थांनाय 29 जानुवारीखालि रेखाथियै रेखा खालामदोंमोन।

## तिब्बतनि गाहाइ मन्थि सांगेइआ चीननि सायाव इनाय-अनागारि खालामनायनि दाय जाबसिन्दों



गोदान दिल्ली, 30 जानुवारी: तिब्बतनि आगुआव सायख 'जानाय गाहाइ मन्थि लबसां सांगेइआ दाय जाबसिन्दोंदि, 7 अक्टूबर 1950 आव चीन सांश्रिफोर तिब्बतआव हाबनायनि उननिफ्रायनो चीनआ तिब्बतनि सिनायथि, राव आरो हरिमुखौ सोबख 'बेदों। तिब्बतआव दखल खालामनानै गावसिनि गोहोमखौ गोसारहोनायनि उनाव चीनआ तिब्बतीफोरनि मत एबा मन्दिरफोरखौ सिलिंखार खालामदों। लबसांआ मोनसे मोगा-मोगिआव बुडोदि, चीनआ दखल खालामनानै लानाय तिब्बतनि ओन्सोलखौ तिब्बति सुबुंफोरनि हा

बिमानि जारिमिनआव गोसोम मुगाखौ जागानाय महरै सिनायथिनो हायो। चीनआ गावसिनि हादरआव दखल खालामनानै लादों, गावसिनि सुबुंफोरनि सायाव इनाय-अनागारि खालामदों, 10 लाख तिब्बतिफोरखौ जिउ फोजोबदों, उखैहाबनाय आरो गावनि जिउ फोजोबना लानायनि जाहोनावबो माखासे सुबुंफोरा जिउ गोमादों, मत-मन्दिरफोरखौ सिलिंखार खालामजोबदों, काजाना एबा धोन-सम्पतिफोरखौ लुथिदों, जायखौ सावनानै सिलिंखार खालामदों आरो माखासेखौ फानहरदों। रोजा-रोजा बोसोरनि आगोमा नेरसनफोर, जायखौ नालन्दानिफ्राय तिब्बतआव लाबोनाय जादोंमोन। बेफोरखौ सेवहांगार खालामदों। सिगां फारसे लबसांआ बुंबावोदि, चीनीफोरा कमिउनिस्ट, बिसोरो नास्टिक, जाउनाव बिसोरेहा धोरोमनि सायाव फोथायनाय गैया। बिसोरेहा तिब्बतनि धोरोमारि दैदेनगिरिखौ सायख 'नायनि जेबो मोन्थाय गैया। गासैबो अरायथा नड, नाथाय सोरबा थांनानै दडब्ला बिनि मोजां समआ थारैनो फेगोन आरो चीनआ थारैनो फावसायलानांगोन।

## चीनआव 5.7 गोखैथिजों बांग्रि मावखानायखौ हमदाडे

बेइजिं, 30 जानुवारी: चीननि चिनजियांआव मंगलबारखालि बांग्रि मावखानायखौ हमदाडे। जायगानिनो बिबानगिरिफोर फोरसायदोंदि, रिक्टर स्केलजों बेनि गोखैथिखौ 5.7 सुनो मोन्दों। सिइएनसिनि बायदिव्ला, फुनि 6:27 रिगायाव चिनजियां उइगर अटनमासनि अक्कि काउन्टिआव फैन्याय बांग्रिनि मिरुआ 41.15 डिग्री आरो 78.67 डिग्री जादोंमोन। चिनहुवा खौरं एजेन्सिआ पुलिसिनि गथायनायजों फोरसायदोंदि, बे समाव जेबो रोखेमनि ख'हा जानायनि खौरं मोनाखै। आइएनएसनि बायदिव्ला, रेखाथिनि थाखाय गंने गरि आरो सा 10 मावसुमाफोरखौ सिबिथाइ होनो थिसन्दों। आथिखालाव रावनिजे जेबो ख'हा जानायनि खौरं मोनाखै। मख'नो गोनादि, चीननि



किर्गिस्तान-झिंजियां सिमना ओन्सोलआव थांनाय मंगलबारखालि 7.1 नि गोखैथिजों बांग्रि मावखानों। बे मावखानायजों माखासे सुबुंफोरा जोखोम जानाय आरो न'फोर बायग्रबनायनि खौरडबो सोरडव फैदों।

# रंजालि गथ'फोरनि सौरा

## जोहोलाव बिखा : जारिमिननि सल'

बिर जोहोलावनि सल' खोनासं बोहैनानै थांफा समनि दाहाराव।

सल' बाथा दाजाबनाय जारिमिन बिलाइयाव राजा-रानिनि साहसनि खोथा लिरजाबाय।

सैथो आरो धोरोमनि लिरथि फोरोडे बिर जोहोलावनि खोथा खोनासंनो।

दावहाथिलिनि सानदुंखव, थैजों गाब गानाय बार उदास्तिनि लामायाव दावगानाय दावहार।

बावजाथाव नड जारिमिननि बराद बिर गोहोनि साबसिन बिदिन्थि सोरजिनाय।

दिदोम जिउ खानानै, हार्युनि रेखा खालामनाय बेबादि जोहोलाव जॉनि गोरबोआव जायगा लाथों।

सम्राटफोरनि सासन समनिफ्राय लाना गाँधारी लैथो बिखायाव बुसावनाय सागरनि दोहौ।

हारिमुनि अमृतजों बुंनया बे हादाबाव सुजु जाबाय बिजाबफोर, खननाय मोसानायनि गहेना।

फिरंगी समाजनि बेरेखा जोहोलाव-जोहोलावजोआ दैथायबाय जुजिनायनि खौरं।

हिमालयनि थिखिनिनिफ्राय लाना, गंगानि सेर-सेर हादाबनि मुस्त्रिखौ खालामदोंमोन थैनि नोगोर।

जारिमिननि बे खन्थाइ, गासैबो खोनासं सल' फोरमायो बेयाव बिर जोहोलाव भारतनि।

अननाय आरो गोजोननि बाथा खोनायो बे सल'आवनो थाखोमाना दं जौगाथाइनि खौरं।

-कुमार बसुमतारी  
1 नं बिक्रमपुर, लखिमपुर

## लैथोनि रुगुंसिम

सिगांनाय आं बै लैथोनि रुगुंसिम, हागोनदा आं मोननो बै गोसोनि हाबिलाखौ लैथोनि फैलासेमखौ सौसि लानानैब्लाबो नाजागोन आं मोननो बै लैथोनि रुगुंखौ। सेर फाखाय-फाखाय थैनि आबिरजों गेलेनाय बायदि सारअन्थाय, अखा, बारहुंखाखौ नेवसिनानैब्लाबो आंनि जिउआ जोबनानै थांब्लाबो नाजागोन आं मोननो बै लैथोनि रुगुंखौ। थिवरिया हान्जानि हखाब बेरफुहोनाय बमानि अरजों खामगिल होनानै हांगार जाहोनाया लादों बिखाखौ दोहो-दोहो खामगिल होनानै, दाहा होलांनयनि थाखाय बिसोरनि फारसे खिथेल होखार फिननो नाजागोन आं मोननो बै लैथोनि रुगुंखौ।

श्री दैथुन बसुमतारी  
सिजौं सोलेंसालि ( रे. ) स्कुल  
बिजनी।

## समा दा बेसेबां जाखो.... ?

ओइ! आदा रामोन्दा नों मिथिगोना समा दा बेसेबां बाजिखो... ?

माथो बोथोरा दिने गात्रिथार सान्दुंनो नुजा हालिया बोरै मिथिबावनो समा दा बेसेबां बाजिखो.... ?

आफाया अफिसाव थांनो समखौनो मिथिना मोनाखिसै बुब्लिनि गेलेनायाव समा दा बेसेबां बाजिखो... ?

आइआ बुंदों... दाथांसै दिने मावख'सिम नाथाय, आफाया गिदों दिने थाडब्ला मेनेजारा सास्पेन्ट खालामगोन अब्ला, समा दा बेसेबां बाजिखो.... ?

श्री अनजाथाव बसुमतारी  
सिजौं सोलेंसालि ( रे. ) स्कुल  
बिजनी।

## गोरोबनै खन्थाइ

गैया जायहा जिउखां राहा जिंगोर जिंगोर जायो दाहा

सुबुं जिउवाव दाहा दिखार बिलिर फैयो जिंगोर जिंगोर

सुबुं जिउवाव बेराम आजार जाबाय थागोन जिंगोर जिंगोर

हरदम समाव नड सुखु मालाबा जानाडे दुखु

सुबुं जिउवा दुखु जारला हरदम नड मिनिबाला

-रैदोम बर',  
माजदिया, बगुलामारि,  
बाक्सा

## गोसोनि खोथा

( रमान्टिक खन्थाइ )

बुद्धिराम बसुमतारी  
दियाबारि, कार्बि आलं

आयनायाव थाबाय नों आंनि गोसोनि लाबाय बजबना नोंनि मोगथानि सावगारि

सान गोरलैबायदि ददरे नोंदि हायनारि जानो हागौ गसाइआ सोरजिबाय आंनो।

नोंदि बालें लें सासे बर' सिख्ला आइजो समायसोगारो बर' हारिनि साबना-हाबना हारिमु

नाथाय दिनेसिमबो जे हाया फोरमायनो गोसोनि हासथायखुमानाय नोंखौदि आं मोजां मोनो।

जानो हागौ नोंबो बुजिबाय आंनि इसारा नाथाय हायाखै नोंबो नोंनि गोसोनि खोथा बोफुनो

आंनि गोबोनि बबेबा खनायावबोदि दड नोंनि महर आंदि नायखुमायो होसारना गोसोजों नोंनि मिनिस्तु

माब्लादि गेसरगोन आंनि नोंनि गोसोनि बुंफुरनायनि गोसोनि खोथा माब्लादि सौप्रावगोन।

खाफालावबा दंना-गैया सानैजों गोसोनि गोरोबलायनाय जुलिनि देखेजों गोजोनै संसार जानो

नोंनिनो खोथा सानपलाना जेब्ला आं उनदुयो अब्ला नोंदि फैयो सिमानि रानि जाना आंनि खाथियाव।

## फै जों आवगायदिनि

फै जों आवगायदिनि गोथार जिउनि थानसालिआव मोनहैनो थाखाय बयबो खौसेनो थांदिनि आगान सुरदो बयबो सहैनो थाखाय गोथार थानसालियाव मालायनि लामाजों फै जों गोथार लामाजों बयबो आवगायलादिनि गावनि थांनानै थानायनि लामाखौ नायगिरनानै दाथालांसै रावबो उन जाना आवगाय लांदो बयबो समयना मालाय हारिया गादब लांब्ला गावनि हारिया उन जालांब्ला लाजि नांनगोन हांमा सुरनांगोन बेनिखायनो फै जों बयबो आवगाय लांदिनि फारि-फारि।

मिस जुगामि ब्रह्म  
सिजौं सोलेंसालि ( रे. ) स्कुल।

No.DPRD/BTC/(Gen)/CLF/Udl-255/2024/03. Dated Kokrajhar the 29<sup>th</sup> Jan., 2024

**SHORT NOTICER INVITING TENDER**

Sealed tenders with a validity period of 90 (Ninety) days from the date of receipt in prescribed from affixing non-refundable court fee stamps of Rs. 8.25 (Rupees eight and paise twenty five) only subsequently to be drawn up in printed F-2 form are hereby invited from the Govt. registered PWD (Roads/ Building), Irrigation, Water Resources, PHE others Govt. Contractor's under Class-I (A, B, C), Class-II and Class-III category from approved firm/ suppliers of 2020-21/2021-22 according to tender limit of eligibility for the following works and will be received in the office of the undersigned up to 2.00 pm on 21-02-2024 and will be opened on the same date and place at 2.15 pm in the presence of willing contractors or their authorized agents.

| Sl. No | Name of Dev. Block | Name of Scheme   | A/A Amount (in Rs. lakh) | Tender Amount (in Rs. lakh) | Earnest Money (ST, SC, OBC- 1% & Gen-2%) | Cost of Tender | Time for completion in days |
|--------|--------------------|--|--------------------------|-----------------------------|--|----------------|-----------------------------|
| 01     | Udalguri           | Const. of CLF Centre at Katual Chowk                             | 19.98                    | 19,98,000/-                 | (ST, SC, OBC- 1% & Gen-2%)               | @ 600/-        | 3 months                    |
| 02     | Kalaigaon          | Const. of CLF Centre at Swarnamakh                               | 19.98                    | 19,98,000/-                 | (ST, SC, OBC- 1% & Gen-2%)               | @ 600/-        | 3 months                    |
| 03     | Bhergaon           | Const. of CLF Centre at Chitralakha Khasiachuba near VCDC Office | 19.98                    | 19,98,000/-                 | (ST, SC, OBC- 1% & Gen-2%)               | @ 600/-        | 3 months                    |
| 04     | Khairabari         | Const. of Community Hall at Hirimba CLF                          | 19.98                    | 19,98,000/-                 | (ST, SC, OBC- 1% & Gen-2%)               | @ 600/-        | 3 months                    |
| 05     | Udalguri           | Const. of CLF Jaikhong Paneri Centre at Simaluguri village       | 19.98                    | 19,98,000/-                 | (ST, SC, OBC- 1% & Gen-2%)               | @ 600/-        | 3 months                    |
| 06     | Mazbat             | Const. of CLF Centre at Gelabil                                  | 19.98                    | 19,98,000/-                 | (ST, SC, OBC- 1% & Gen-2%)               | @ 600/-        | 3 months                    |
| 07     | Rowta              | Const. of CLF Centre at at Kajiamati                             | 19.98                    | 19,98,000/-                 | (ST, SC, OBC- 1% & Gen-2%)               | @ 600/-        | 3 months                    |
| 08     | Kalaigaon          | Const. of CLF Centre at Changapathar                             | 19.98                    | 19,98,000/-                 | (ST, SC, OBC- 1% & Gen-2%)               | @ 600/-        | 3 months                    |
| 09     | Bhergaon           | Const. of CLF Centre at Rajagarh VCDC                            | 19.98                    | 19,98,000/-                 | (ST, SC, OBC- 1% & Gen-2%)               | @ 600/-        | 3 months                    |
| 10     | Mazbat             | Const. of CLF Centre at Potabil village                          | 19.98                    | 19,98,000/-                 | (ST, SC, OBC- 1% & Gen-2%)               | @ 600/-        | 3 months                    |

Details NIT may be seen in all working days in the office of the undersigned. Tender paper will be issued to the contractors or their authorized agent up to 12.00 Noon on all working days from 30-01-2024 to 21-02-2024 in the office of the undersigned on payment of in the form of Banker cheque/ Demand draft of any nationalized Bank (Preferable SBI) duly pledged to the Director, P&RD, BTC, Kokrajhar. The Cost of tender (Non-Refundable) must be in the form of Demand Draft/ Banker Cheque of a Nationalized Bank drawn in favour of the Principal Secretary, BTC, Kokrajhar and payable at SBI, Kokrajhar to be deposited 0.03%. The Contractor should submit valid Registration certificate, GSTIN, PAN Card, Voter Card, Aadhar Card, Caste Certificate and Labour License along with the tender. In case the office remain closed in tender receiving/ opening day the same will be received/ opened on the next working day.

Note :-

- The Director, P&RD, BTC, Kokrajhar does not bind himself to accept the lowest tender and also reserves the right to reject all tenders without assigning any reason.
- Payment will be made subject to availability of fund under appropriate Head of Account No claim what so ever in this regard will be entertained.
- Taxes will be deducted as per relevant provision of Act.
- Contractors will have to submit their tender with upto date registration certificate and item of annexure should be enclosed with the tender otherwise tender will be treated as cancelled.
- The tenderer should submit their tender with up to date GSTIN certificate and PAN Card failing which the tender may be treated as cancelled.

Sd/- Director,  
Panchayat & Rural Development,  
BTC, Kokrajhar

IPR(BTC)-2023-24/1269



## एमि जेक्सनआ एड वेस्ट विकनि सिगां सासे बिजनेसमेनजों आस्थाम सोलायदोंमोन

एमि जेक्सनआ बे समाव लान्श्रियै खौराडव थाबाय थादों। गसिफ गार्लंआव सकबासनि फाव खालामनानै हार्ट टूब जाखानाय हलिउड स्टार एड वेस्ट विकआ बावैसो समाव अक्षय कुमारनि सिं इस बिलिनि क-स्टार सुइटजारलेन्डनि समाइना जायगायाव प्रपज खालामनानै आरो बिनो डाइमन्ड रि गानहोदों। बिसोर सानैनि बे सावगारिफोर इन्टारनेटआव गोखैयै भाइरेल जादों आरो एमि-वेस्ट विकनो बिसोरनि फैनो गैनां जिउनि थाखाय गाहाम हामलायथि जासिहरदों। बेनि सिगांभो एमि जेक्सननि आस्थाम सोनाया बायखांबाय। बेनि अनगायैभो एमि जेक्सनआ जुलि जाया जासे बिमाबो जाखांबाय। तामिल सावथुनजों गावनि सावथुन केरियारखौ जागायनाय एमि जेक्सनआ



गोबाव सम मुम्बाइ, महाराष्ट्रआव थादोंमोन। बेनि उनाव बियो इलेन्डआव थाहैयो आरो आथिखालाव बियो बयफ्रेन्ड एड वेस्ट विकजों लन्डनआव थायो। मख'नो गोनादि, 2022 आव गसिफ गार्लनि मुंदांखा फावखुंगुर एड वेस्ट विकखौ डेट खालामनानयनि सिगां एमि जेक्सनआ बिजनेसमेन जर्ज

पानायिय 'तौखौ' डेट खालामखांबाय। मोनसे इन्टरभिवआव एमि जेक्सनआ फोस्मायदोंमोनदि, गाव 2015 आव जर्ज पानायिय'तौखो डेट खालामनो जागायदोंमोन। रिपर्टनि बायदिब्ला, 2019 नि 1 जानुवारियाव जाम्बियाआव जर्जआ फावखुंगुरिजुलिनि थाखाय प्रपज होदों। एमि

जेक्सनआ गावनि आस्थाम सोनायनि सावगारिफोरखौबो मावख'आरि इन्सटग्रामाव शेयार खालामदोंमोन। उनाव गावारि जाहोनाव बिसोर सानैनिआ ब्रेकआप जायो। एमि जेक्सनआ गावनि गावारि जिउखौ लानानै बै समाव खौराडव थाबाय थादोंमोन, जेब्ला बियो आस्थाम सोखांनयनि माखासे दाननि

उनावनो 2019 नि 19 सेप्टेम्बरआव सासे फिसाज्लाखौ जोनोमो होयो। फावखुंगुरिआ सम सम गावनि 3 बोसोरनि फिसाज्ला एन्डियासजों समाइना सावगारिफोरखौ शेयार खालामबाय थायो, जायनि सायाव बिनि गोदान बयफ्रेन्ड एड वेस्ट विकआवो गोबां अन्नाय होयो। मख'नो गोनादि, 2022 आव साफ्रोमजोंबो मोजों मोनजानाय सकबासनि मोनसे सावगारियावो सशेल मिडियाआव गोबां भाइरेल जादोंमोन, जेराव बिखौ लन्डननि लामायाव फावखुंगुरिजों आखाइ हमलायनानै बेरायनाय नुनो मोन्दोंमोन। बेनि उनाव बिसोर सानैबो गावसोरनि सोमोन्दोखौ मावख'आरि फोसावदोंमोन। माखासे दान सिगां एमि जेक्सनआ जेब्ला गावनि सावथुननि प्रमशननि थाखाय भारतआव फेदोंमोन, अब्ला एड वेस्ट विकआवो बिजों फेदोंमोन।

## माहाम देहानि राहा

### माखासे फिथाइफोरनि जुस बानायनानै लोडेब्ला मोखाडव नेसुरेल ग्ल' फैयो

नेसुरेल ग्ल'नि बाश्रायानो आलादा जायो। जेब्ला सुबुंफोरा नोंथानो मेकआप फुना जासेबो कमफ्लिमेन्ट होयोब्ला नोंथाड गोबां गोजोनो जानांगौ। दागो गैयै, स्लिम बिगुर, ट्मेट बायदि गोजा-गोजा समाइना खालाइखौ गोबां मोजं नुयो। जुदि नोंथाडाबो बेबायदि रिक्कनि सेक्रेट फर्मुलाखौ हास्थायोब्ला नोंथाड गावनि डाइटाव माखासे जुसफोरखौ लाफादेरनो हागोन। (1) बिट: बिटआव माखासे निउटिसन मोन्नाय जायो। बेवहाय थानाय पलेटआ स्किन सेल्सखौ बांहोयो। बिटामिन सिआ बैसो बांनयनि गोहोमखौ बाडाइ खालामो, बिगुर थननायखौ जानगार खालामो। (2) गाजर: गाजरआव थानाय बिटा केरटिनआ बिगुरनि डेमेज



जानायनिफ्राय रैखाथि होयो। (3) आपेल: आपेलआ एन्टी अक्सिडेन्टजों बुंफननाय जायो, जाय तिश्यु डेमेजखौ होबथायो। बेखौ जुसआव लाफादेरनायजों बिगुरआव कलेजम आरो इलास्टिनआ बाडो। जायजों नोंथांखौ लाइमोन नुयो। बेनि अनगायै बिटामिन ए, बि कमफ्लेक्स आरो सिआ स्किन पेक्ससारखौ सोलायनायनि खामानि मावो। (4) हाल्दै: हाल्दैआव थानाय कर्किउमिन्टआ बुखांनयखौ बाडाइ खालामो। बेखौ

बिगुरआव फुन्नाय एबा जाग्रा आदारव लाफादेरनायजों दागो जानायफोरनि जेनाया जानगार जायो। लोगोसेनो नेसुरेल ग्लखौ मोन्नो हायो। (5) आमलाइ: आमलाइयाव भिटामिन सिखौ मोन्नो हायो, जाय बैसो बांनयावबो गोहोम खोखैनो हायो। आमलाइजों थैआ साखोन-सिखोन जायो, जायजों मोखाडव दागो, सिथरनि जेनाया जाया। लोगोसेनो प्रि रेडिकेल्सनिफ्रायबो रैखाथि होयो।

## एआर रहमानआ फेन्सफोरनि गोसोखौ देरहानो हादों

एआर रहमानआ आरोबाव खनसे फोरमान खालामदोंदि, जेब्ला देखो बानायनायनि बाश्रा फैयो अब्ला बियो गावनि टेलेन्टखौ दिन्थिनयनि मोनसेबो खाबुखौ नागारा। फै गौ समफोराव मिउजिक इन्डास्ट्रीखौ आगायहोनो देखोगिरिआ मोनसे गोदान थांखि लादों, जायखौ खोनायोब्ला नोंथाडाबो गोजोन्नो हागौ। एआर रहमानआ गावनि फैनो गोनां प्रजेक्ट आरो रजनिकान्तनि फैनो गोनां सावथुन लाल सालामखौ लानानै जख्खा आपडेट शेयार खालामदों। बे सावथुननिफ्राय एआर रहमान आरो गुबुन रंसारि जानाय देखोगिरिफोरनि गांरांखौ खोनायो मोनगोन। देखोगिरि बंबा बाक्या आरो साहुल हमिडनि गांरांखौ फोथांफिनो थाखाय एआरिनि



मदत लानाय जादों। एआर रहमानआ रजनिकान्तनि फिसाजो एश्वरीया रजनिकान्तनि गेजेरजों बिथोन होनाय सावथुन लाल सालामखौ लानानै बे सावथुनआव रंसारि जानाय देखोगिरिफोरनि गांरांखौ एआरिनि मदतजों साफ्रोमबोनो खोनासंहोगोन होन्नाबो आपडेट शेयार खालामदों। बे बाश्राखौ शेयार खालामनयनि उननिफ्रायनो सशेल मिडियाआव सुबुंफोरा बिखौ

बाखायदों। देखोगिरिआ गावनो एक्सआव बे बाश्रानि खौरांखौ शेयार खालामदों। सनि मिउजिक साउथआवो बेखौ फोसावदों। मख'नो गोनादि, बे सावथुननिफ्राय बिनि दोहौ गोनां एक्शन लुक आरो टिजारआ सोराडव फेदों। आरोबाव खनसे फेन्सफोर टलाइवाखौ गोखों एक्शन सिन खालामनाय नुनो मोन्दों। माइक्र ब्लिंग साइट एक्सआव गावनि हेन्डेलआव देखोगिरिआ बुंदों, #लाल

सालामनिफ्राय # तिमरि येजुदाआव बंबा बाक्या आरो साहुल हमिडनि गांरांखौ एआइ भइस मडेलनि मदतजों बाहायनाय जादों, जायखौ नोंथाड खोनायो मोनगोन। बियो लिरबावदों, गावसोर देखोगिरिफोरनि नख'रनि सुबुंफोरिनयाव गनायथि लादों। आरो बिसोरनि गांरांखौ बाहायनायनि उनाव फिसबो होदों। जुदि, टेकनिकखौ मोजाडै बाहाय जायोब्ला जेबो जेना जानाय नड। बेयो गिबि खेब जागोन जेराव मबेबा इन्स्ट्रीआव रंसारि जानाय मुंदांखा सुबुंनि गांरांखौ फोथांफिन्या जागोन। सावथुन लाल सालामखौ एश्वरीया रजनिकान्तआ बिथोन होदों। सावथुननि कास्टआ गोबां सावगयजादों, जेराव रजनिकान्तनि अनगायै भिष्णु भिशाल आरो भिक्रान्टआ गाहाइ फाव खालामदों।

## फाइटरनि जाफुंसारनायनि उनाव ऋतिक रशनआ वार-2 नि सायाव आपडेट होदों

ऋतिक रशनआ सावथुन फाइटरखौ लानानै खौराडव थाबाय थादों। सावथुनआ बावैसो समाव रिलिज जादों, जेराव फावखुंगुरखौ गिबि खेब एरियेल एक्शन खालामनाय नुनो मोन्दों। भिएफएक्सनि जाहोनाव फाइटरआ गोबां बाखायजानो हादों। बेनि गेजेराव ऋतिक रशनआ वार-2 खौ लानानै आपडेट होदों। ऋतिक रशननि वार-2 खौ बिनि फेन्सफोर गोलाव समनिफ्राय नेनानै दड। सावथुननि गिबि बाहागोआ 2019 आव रिलिज जादोंमोन आरो नायगिरिफोर गोबां मोजां मोन्दोंमोन। वारआ डेमेस्टिक आरो वाल्डवाइडनि बक्स



आफिसआव मोजां फालांगि खालामदोंमोन। बेबायदियाव मेकासआ वार-2 आव एक्शन आरो एडभेन्चरखौ लानानै मोनसे लेभेल आवगयलाहोनो नाजादों। सावथुननि गिबि बाहागोखौ सिध्दार्थ आनान्द'आ बिथोन होदोंमोन। फारसेथिं वार-2 खौ आनान्द मुखार्जिया बिथोन होदों, जाय 2025 आव

सावरायनायाव सावथुनखौ लानानै फोस्मायदोंदि, बिनि फाव खालामनाय आखु कबिरिआ सिगांनिफ्राय गोबां आलादा जागोन। वारआव आरआरआरनि फावखुंगुर चुनियर एनटिआरखौबो गाहाइ फावआव नुनो मोनगोन। सावथुनखौ लानानै ऋतिकआ बुंदों, कबिरिआ जरखा महरै मोनसे मोजां मुं आरजिदों। वार-2 आव आरोबाव खनसे कबिरिनि फाव खालामनाया दोहौ गोनां जागोन, मानोना बे खेबआव गावनि सेलेन्जआ कबिरिखौ मोनसे आलादा लाइटाव दिन्थिगोन। बेनि मोनसे आलादा थांखि दड, जाय दोहौ गोनां जागोन।

## कंगना रनतआ गाहाइ मन्थिरवौ बारब्नायदों



गाहाइ मन्थिर नरेन्द्र मदिआ बर्ड आन्जादफोरनि सिगां समबारखालि हादत नाडेनि फरायसाफोरजों लोगोसे 'परिक्षा पे चर्चा 2024' नि 7थि खेब सावरायनाय समाव भारत मन्डपामआव फोरोंगिरिफोर आरो बिमा-बिफाफोरजों बाश्रा सावरायदों। गाहाइ मन्थिरआ भारत मन्डपामनि गोनांथिआव

माधबनआ टुइटजों लोगोसे भिडिअ शेयार खालामनानै गाहाइ मन्थिरखौ बाखायदों। परिक्षा पे चर्चा 2024 हाबाफारिखौ दिल्लीनि भारत मन्डपामआव खुं नाय जादोंमोन। बे समाव गाहाइ मन्थिर मदिआ फरायसाफोरनि सोंथिनि फिन्नायखौ होदों। फारसेथिं अराय सम गावनि फारसेनिफ्राय गासैबो आयदायाव बिबुंथि होग्रा कंगना रनत आरो फावखुंगुर आर. माधबनआ गाहाइ मन्थिरनि फिन्नायखौ खोनानानै बिखौ बाखायदों। सशेल मिडियाआव शेयार खालामदों, जाय गोखैयै भाइरेल जादों। बे भिडिअखौ नुनायनि उनाव कंगना रनत आरो आर .

अटीटी स्पेसआव एनिमेल, सालार आरो सेम बाहादुर बायदि सावथुनफोरनि मुंदांखा जानायनि गेजेराव आरोबाव माखासे गोदान सावथुनफोर, सिरिजआ नोंथानि मबाइल स्क्रिनआव फैनो थाखाय थियारि जादों। तेलेगु रावनि सावथुन सैंधवाआ बे सप्ताहयाव अटीटीआव रिलिज जानो हागौ। ईराजी रावनि एक्शन सिरिज मिस्टार एन्ड मिसेज स्मिथआवो बे सप्ताहयाव स्ट्रिमिं जागोन। नेटफ्लिक्स, एमाजन प्राइम भिडिअ, जिय सिनेमा आरो डिजनी प्लास हटस्टारआ बे सप्ताहयाव रिलिज जानो गोनां

## सोलिफु सप्ताहयाव अटीटीआव माखासे वेब सिरिजआ स्ट्रिमिं जागोन



गोदान सावथुनफोर आरो सिरिजनि फारिलाइखौ फोसावदों। (1) आलेकजेन्डर-डा मेकिं अफ ए गडआ 31 जानुवारियाव नेटफ्लिक्सआव रिलिज जागोन। जुदि नोंथाडा जारिमिनजों सोमोन्दो गोनां आयदाफोरखौ मोनथिनो

हास्थायोब्ला बे सिरिजखौ नायनो हागोन। बेवहाय सिकन्डरनि मुलुगनां देरहासारगिरि जानो हास्थायनायखौ दिन्थिनय जादों। (2) 1 फेब्रुवारियाव रिलिज जानो गोनां नेटफ्लिक्सनि स्पर्टस एक्सन सावथुन नेभार बेक डउन 2 डा

बिट डउनखौ मुंदांखा एक्शन फावखुंगुर माइकेल जे हवाइतआ बिथोन होदों। सावथुनआव माइकेलआवो गाहाइ फाव खालामदों। बे सावथुनआ मिक्सड मार्शेल आर्टनि सोमोन्दै। बेयो 2011 नि सावथुन जाय आथिखालाव अटीटीआव रिलिज जागोन। (3) इभल्युशनआ 2001 आव रिलिज जादोंमोन। आथिखालाव गोबाव बोसोरनि उनाव बेयो 1 फेब्रुवारियाव नेटफ्लिक्सआव रिलिज जासिगोन। बेयो मोनसे एलियन साइन्स-फिक्सन सावथुन। (4) आफ्टर एभरिंटिआ 1 फेब्रुवारियाव नेटफ्लिक्सआव रिलिज जानो गोनां रमान्टिक ड्रामा सावथुन। बेवहाय फिनिस टिफिन, जसेफिन लेंपर्ड आरो

मिमि किनआ गाहाइ फाव खालामदों। (5) मिस फार्पेक्टआ मोनसे तेलुगु कमेडि नख'रि ड्रामा सिरिज, जेराव लावण्या ट्रिपाटि आरो अभिजित दुडुलाआ गाहाइ फाव खालामदों, जायनि प्रिमियारआ 2 फेब्रुवारिखालि डिजनी प्लास हटस्टारआव जागोन। बे सिरिजखौ तेलुगुजों लोगोसे हिन्दी, मालयाम, तामिल, कन्नर, बेंगलि आरो मराती रावफोरव स्ट्रिम खालामनाय जागोन। (6) 2 फेब्रुवारिखालि प्राइम भिडिअआव फैनो गोनां मिस्टार एन्ड मिसेज स्मिटा मोनसे जासुसि कमेडि सिरिज, जेराव डनाल्ड ग्लवार आरो माया अस्किं नआ फाव खालामदों।

## ऋतिक रशनआ कृष 4 नि सायाव आपडेट होदों

सिध्दार्थ आनान्दनि बिथोन होनाय सावथुन फाइटरआव पेटि जानाय ऋतिक रशननि फारफर्मन्सखौ बे सावथुनआव गोबां मोजां मोन्नाय जादों। बे सावथुननि थाखाय फावखुंगुरआ गोबां नाजादों। एयार पाइलटनि जिउखौ बुजिनयनिफ्राय लानानै गावनि बडि लेंग्वेज आरो फिजिकेल ट्रान्सपर्मैसननि सायावबो ऋतिकआ गोबां नाजादों। बे सावथुनआ बक्स अफिसआव दोहौ सोमजिहोदों।



आथिखालाव ऋतिकनि कृष 4 खौ लानानैबो मोनसे आपडेटआ सोराडाव फेदों। फाइटर सावथुनआ 4 सानआवनो बक्स

अफिसआव मोजां फालांगि खालामदों। सावथुनआ माखासे साननि गेजेरावो 100 कौटि रनि अन्जिमाखौ बारनो हादों। दोहौ

गोनां फाइटि सिननि अनगायै फेन्सफोर ऋतिकनि दिपीकाजों सिजलिं जरखौबो मोजां मोन्दों। बेनि अनगायै सावथुननि देखोफोर आलादा जायगा आवगिदों। फाइटरनि हिट जानायनि उनाव ऋतिकआ कृष 4 खौ लानानै गिदिर आपडेट होदों। सुपार 30 नि फवखुंगुर ऋतिकआ पिंक बिलानो होनाय इन्टारभिउआव फोरमायदोंदि, कृष 4 आ सिगांनिफ्राय बांसिन डिपिकल सावथुन जागोन। बेनि खामानिया सोलिगासिनो दड।

## टाटा स्टील मास्टर्सआव गुकेशआ नैथि जायगायाव

गोदान दिल्ली, 30 जानुवारि: भारतीय ग्रेन्ड मास्टर डि गुकेशआ टाटा स्टील मास्टर्स चैसनि बिम् देरहानो हायाखै। 8.5 पइन्टजों साब्रे गेलेगिरिफोरनि टप मासिआव जायगा आवगिनयनि थाखाय टाइ ब्रेकारनि मदद लानांगौ जानायाव बिथाड बिम्निफ्राय जानगारआव थानादों। गिबि टाइ ब्रेकारआव गुकेशआ आनिश गिरिखौ खेबथाम मेचआव फेजेनानै फाइनालाव चीननि भेइ यीजों बादायनो खाबु मोन्दोंमोन। फाइनालाव गुकेशआ बिथानि हेंथायै गिबि गेलेनायाव इ जायो। नाथाय नैथिआव बिथाड जेन्नाडो। जायनि जाउनाव गुकेशआ जुथायै नैथि मासिआव जायगा आवगिगो। बेनि सिगां 13 थि आरो जोबथा राउन्डआव बिथाड गोसोम पीसजों इराननि फरहाम मगशुदलुखौ पेजेनो। भिदित गुजरतिआ भेइ यीजों जेन्नाडो। गुबुन फार्स प्रज्ञानन्दा अलि रेजाजों इ



गेलेयो। सेलेन्जार केटेगरिनि 13 थि आरो जोबथा राउन्डआव भारतीय गेलेगिरि लियन ल्युक मेन्डकाआ दिव्या देशमुखखौ फेजेनानै बिम् देरहायो। बिथाड 9.5 पइन्ट आर्जिनो हादों।

## एयारटेलआ 4जि/5जि साब्सक्राइबरफोरखौ सरजाबनाय केसआव रिलाइन्स जिय 'खौ उन खालामदों।

गोदान दिल्ली, 30 जानेवारी : एयारटेलआ 4जि/5जि साब्सक्राइबरफोरखौ सरजाबनाय केसआव रिलाइन्स जिय 'खौ उन खालामदों। हादतनि नैथि बयनिखुइ देरसिन टेलिकम कम्पनीया थानाय 2023 नि नभेम्बर दानाव बयनिखुइ बांसिनै 3.98 मिलियन एबा 39.8 लाख गोदान 4जि/5जि साब्सक्राइबरफोरखौ गावसोरनि नेटवार्क आव सरजाबदों। बेराफारसे हादतनि बयनिखुइ देरसिन टेलिकम कम्पनी रिलाइन्स जिय 'आ बे समाव गासै 3.45 मिलियन एबा 34.5 लाख 4जि/5जि साब्सक्राइबरफोरखौ सरजाबदों। बेनि अनगायै भडाफन-आइडियाआ बे समाव 0.96 मिलियन एबा गासै 9.6 लाख गोदान साब्सक्राइबरफोरखौ गावसोरनि नेटवार्क आव सरजाबदों। टिआरएआइआ थानाय समबारखालि टेलिकम साबिस बाहायग्रा इजकारफोरनि डाटाखौ शेयार खालामदों।



थानाय 2023 नि 30 नभेम्बरसिमाव भायारलेस ब्रडबेन्डनि बिथिडव रिलाइन्स जिय 'नि जौगानाया समान जादों। थानाय 30 नभेम्बरसिमाव जिय 'नियाव 455.82 मिलियन एबा 45.58 कौटि भायारलेस ब्रडबेन्ड साब्सक्राइबरफोर दडमोन। फारसेथि एयारटेलनियाव गासै 255.07 मिलियन एबा 25.5 कौटि भायारलेस ब्रडबेन्ड साब्सक्राइबरफोर दडमोन आरो भडाफन आइडियाआ 1.07 मिलियन गोदान भायारलेस ब्रडबेन्ड साब्सक्राइबरफोर सरजाबदों। मख 'नो गोनादि, भारतआव गासै भायारलेस

इजकारफोरनि अन्जिमाया बांनानै 1,154.17 मिलियन एबा गासै 115.4 कौटि जाहैबाय। बेराफारसे थानाय अक्टबर दानाव भायारलेस इजकारफोरनि अन्जिमाया 1,150.98 एबा गासै 115 कौटिमोन। हादतआव भायारलेस टेलिडेनसिटिया बांनानै 82.71 जौखोन्दो जाहैबाय। फारसेथि भायार ब्रडबेन्ड इजकारफोरनि अन्जिमानि बाश्चा बुडेव्ला थानाय नभेम्बर दानाव जिय 'आ 1.8 लाख गोदान इजकारफोरजों सरजाबदों आरो एयारटेलआ बे समाव 1.1 लाख गोदान इजकारफोरखौ गावसोरजों लोगोसे सरजाबदों। बे समाव

गासै 11.95 मिलियन मबाइल नाम्बर पर्टेबेलिटिनि आर 'ज गाबनायखौ टेलिकम कम्पनीफोरा मोनो हादों। भायारलेस एबा मबाइल इजकारफोरनि बाश्चा बुडेव्ला रिलाइन्स जिय 'आ 39.49 जौखोन्दो शेयारजों लोगोसे मार्केटनि लिडार जायो। बेराफारसे नैथि नाम्बरआव थानाय एयारटेलनि मार्केट शेयारआ 32.91 जौखोन्दो। बेनि अनगायै भडाफन आइडियानि मार्केट शेयारआ 19.44 जौखोन्दो आरो बेयो थामथि नाम्बरआव जायगा आवग्रिनो हादों। फारसेथि 7.98 जौखोन्दो मार्केट शेयारजों लोगोसे बिएसएनएलआ थामथि नाम्बरआव जायगा आवग्रिनो हादों। टेलिकम कम्पनीनि भिएलआरआ 98.54 जौखोन्दो। फारसेथि जियोनि भिएलआरआ 92.87 जौखोन्दो।

## तालिबाननि खुनाय मिटिडव भारत, रसियाजों लोगोसे गुबुन दर 10 हादतफोरनि थान्दैफोरा बाहागो लादों

काबुल, 30 जानेवारी : आफगानिस्तान तालिबान सरकारनि गेजेरजों लिरनाय मोनसे मिटिडव भारतआबो बाहागो लादों। खौरानि बायदिब्ला तालिबाननि गुबुन हादतयारि बिफाना माखासे हादतफोरव थानाय थान्दैफोरखौ खावलायहरदोंमोन। थानाय समबारखालि जानाय बे जथुमायाव भारतनि अनगायै रसिया, चीन, इरान, पारिस्तान, उन्बेकिस्तान, तुर्कमेनिस्तान, कजाकिस्तान, तुर्की आरो इन्डेसियानि राजथान्दैफोरबो बाहागो लादों। बेराफारसे रसियाखौ आफगानिस्ताननि थाखाय बिसोरनि जर 'खा थान्दै जमिर काबुलभआ दैदेनदों। काबुलआव जानाय बे जथुमायाव भारतयारि बिबानगिरिफोरनि गेजेरजों जेबो मावख 'यारि बिबुथि होयाखै। बेराफारसे बेनि सिगां इउएइआव भारतयारि थान्दै मावख 'नि गेजेरजों अबु धाबियाव खुनाय सुबुखान्थि साननि जथुमानि




थाखाय आफगानि थान्दै बदरुदिन हाक्कानीखौ खावलायहरदोंमोन। सुलुडव फोरमायनाय बायदिब्ला भारत सरकार आफगानिस्ताननि तालिबान सरकारखौ गनायथि होयाखै। नाथाय बे जथुमानि उनाव तालिबान गुबुन हादतयारि बिफाननि लेडाइ बुंथिगिरि हाफिज जिया अहमदआ

भारतआ जौखो मदत खालामदों होन्ना बुडो। बे जथुमायाव बाहागो लानाय भारतयारि थान्दैनि गथाइनाय खौरजों तालिबान गुबुन हादतयारि बिफाननि लेडाइ बुंथिगिरिया गोदान दिल्लीयाव आफगानिस्ताननि थासारिनि सायाव मिरु खालामनानै गासै हाबाफारिफोरखौ मदत

खालामदों होन्ना बुडो। अहमदआ एक्सआव होनाय मोनसे पस्टआव बुंभावदोंदि, भारतआ आफगानिस्ताननि सोमोन्दैयै हारिमायारि आरो ओन्सोलारि हाबाफारिफोरव एक्टिभै बाहागो लायो आरो आफगानिस्ताननि दिदोमथि आरो जौगाखानायनि थाखाय मोनफ्रोम नाजानायखौ मदत खालामो।

## एन्टार्कटिका गाहाइ द्विपआव एडच5 एन1 भाइरासनि अलखदआ बांदों



एन्टार्कटिका, 30 जानेवारी : करना महामारिनि दोहौखौ मुलुगनाडेनो मिबथियो। बे भाइरासआ मुलुगखौनो सिलिंखार खालामना लाखिदों। आथिखालाव बुहुमनि आरोबाव मोनसे गाहाइ द्विपआव दासान्दि बे भाइरासनि जाहोनाव जाबाय थानाय बेमारआ बिगियानगिरिफोरखौ एलार्ट खालामदों। बे भाइरासनि इन्फेक्सनजों बे गाहाइ द्विपआव थाग्रा माखासे जिबफोर जिउ ख 'हा जाखांबाय। एडच5एन1 भाइरासनि जाहोनाव जिबफोर थैनायनि सन्देह 'जों बिगियानगिरिफोर गोथौयै जिगा सिदों। इन्टार्कटिका ओन्सोलाव थानाय खोला जर्जिया द्विपआव थानाय मासे किं पेनगुइनआ एडच5एन1 एबा बाई फ्लु

भाइरासजों थैदों। जुदि भाइरासजों थैनाया रोखा जायोब्ला बेयो गिबि खेब जागोन, जेव्ला राजा फोलेरिनि पेनगुइनआ बाई फ्लुजों थैयो। बिगियानगिरिफोरा गिनो हमादोंदि, दासान्दि पेनगुइन्सनि ब्रिडिनि सिजन। बेबायदियाव पेनगुइनफोरनि गेजेराव बाई फ्लुआ गोसारोब्ला बेजों फिथाइया गात्रि जानो हागौ आरो बेयो गोदान मुगानि बयनिखुइ देरसिन अलखद गोनां थासारिबो जानो हागौ। दासिमाव मुलुगनि बयनिखुइ गुसुसिन गाहाइ द्विप एन्टार्कटिया मुलुगनि मोनसेल 'ओरैबायदि ओन्सोल, जेराव सिगाडाव बाई फ्लुनि एडच5एन1 भाइरासखौ मोनफेराखैमोन आरो किं पेनगुइनफोरनियावबो बेनि सिगां थैखांबाय।

माब्लाबाबो बाई फ्लुजों इन्फेक्सन जानायखौ नुनो मोनाखैमोन। बेनि जाहोनाव किं पेनगुइननि बाई फ्लुजों थैनाया बिगियानगिरिफोरनि जिगाखौ बांहोदों। जाय पेनगुइनखौ बाई फ्लुनि जाहोनाव थैदों होन्ना सन्देह ' खालामदों बेयो राजा फोलेरिनि। बेखौ पेनगुइनफोरनि गेजेराव मुलुगनि बयनिखुइ देरसिन फोलेर होन्ना गनायना लानाय जायो। बिनि गोलावआ 3 फुट जायो आरो थानानै थानाय समा 20 बोसोर जायो। किं पेनगुइननि सिगां जेनु फोलेरिनि पेनगुइनजों बाई फ्लु भाइरासजों थैखांबाय। सिगाडाव खोला आफ्रिका, चिलि आरो एन्टार्कटिकायाव 5 लाखनिखुइ बांसिन लैथोमायारि दावफोर, जायफोरनि गेजेराव पेनगुइनआबो दंफायो। बिसोर बाई फ्लुजों थैखांबाय। पेनगुइननि गेजेराव बाई फ्लुनि इन्फेक्सन जानायनि अलखदआ बांसिन जायो। बेनि सिगां एन्टार्कटिकायाव मासे पलार मुफुआबो बाई फ्लु एडच5एन1 जों इन्फेक्सन जानानै थैखांबाय।

## खोला सुडान आरो सुडाननि गेजेराव गाग्लोब लायनायाव सा 54 सुबुंफोरनि जिउ गोमादों

सुडान, 30 जानेवारी : खोला सुडान आरो सुडाननि गेजेराव जानाय जेना गोनां ओन्सोलाव गाग्लोबनायाव इउएननि गोजोन सान्शिफोरजों लोगोसे सा 50 सुबुंफोरनि जिउ गोमायो। बिबानगिरिफोरा बेखौ थानाय 2021 नि उननिफ्राय सोमजिनाय सिमना जेनाजों सोमोन्दो थानाय जाथायफोरनि गेजेराव बयनिखुइ गिखंथावसिन गाग्लोबनाय होन्ना बुंदों। राइटासनि रिपर्टनि बायदिब्ला अवेइनि खौरां मन्थि बुलिस कचआ थानाय समबारखालि बुडेदि, खोला सुडाननि वरिप राइज्योनि दावहारुफोरा थानाय शनिबारखालि खाथिनि अवेइ

ओन्सोलाव गाग्लोबदों। सुलुडाव फोरमायनाय बायदिब्ला, अवेइआ मोनसे थाव जौगाखां ओन्सोल, जायजों खोला सुडान आरो सुडाननि गेजेराव जुथायै खुंथाइखौ सालायो। दसैबो हादतआ बेनि सायाव गावसोरनि होन्ना दाबि दैखाडे। कचआ फोरमायनाय बायदिब्ला, थानाय शनिबारखालि जानाय गाग्लोबनाय समाव आइजो, गथ 'फोर आरो पुलिस बिबानगिरिफोरजों लोगोसे सा 52 जायगानि सुबुंफोर जिउ गोमादों। बेनि अनगायै सा 64 सुबुंफोर जोखोम जायो। बे जाथायनि जाहोनाव ओन्सोलाव



गिनाय सोमजिदों आरो गिनायनि गेजेरजों बेयाव काफिउ लगायना होनाय जाबाय। इउएनआइएसएफएआ थानाय रबिबारखालि बुडेदि, अवेइआव थानाय इउएन रैखाथि हान्जानि सासे मावसुमाया थैयो। जेव्ला

पाकिस्ताननि गुबुन सासे गोजोन रैखाथि मावसुमाया जिउ नागरो आरो बेनि साब्रै हेफाजाबगिरि आरो सासे नोगोरारिया जोखोम जायो। बेनि सोमोन्दैयै आरोबाव जेबो खंफोरथि होनाय जायाखै। पस्टआ बुंनाय बायदिब्ला, रोजा रोजान ' गैजायै जानानाय नोगोरारिफोरा इउनिसफा बेसआव आश्रय लादों। वरिप राइज्योनि खौरां फोसावदि मन्थिया बिसोरनि सरकारा अवेइ खुंथाइजों लोगोसे जुथायै बे के सखौ नायबिजिगोन होन्ना बुडो। एपिनि बायदिब्ला ओन्सोलाव अलखद गोनां हरियारि हिंसायारि जाथाय जानाया सरासन्हा बाश्चा, जेराव नसुंसे वरिप राइज्योनि टविक डिंका ट्राइबेल् फोलेरिनि सिमनायाव थानाय अनित ओन्सोलखौ लानानै अवेइनि नगक डिंकाजों लोगोसे हानि जेना सोलिगासिनो दड।

## चार्टर्ड उरां जाहाजआ सा 38 भारतयारि-फोरखौ लानानै कैलाश मानसरभरआव सौहैदों



काठमान्डु, 30 जानेवारी : नेपालनिफ्राय गंसे फ्लाइटआ बिरनानै कैलाश मानसरभरसिम दावबायनानै सिबियारिफोरखौ गोथार हाजोखौ दर्शन खालामहोदों। रिपर्टनि बायदिब्ला नेपालगन्जनिफ्राय थानाय समबारखालि सा 38 भारतयारिफोरजों लोगोसे गंसे चार्टर्ड उरां जाहाजआ कैलाश मानसरभरनि थाखाय बिरों। कैलाश मानसरभर दर्शन खालामनायनि मुडव बे उरां जाहाजआ सिबियारिफोरनो थोरों सिबिसालि कैलाश हाजो आरो मानसरभर बिलोनि नुथाइफोरखौ दिन्थियो। फ्लाइटआव थानाय दावबायारिफोर कैलाश हाजोनि नुथाइखौ 27 रोजा फुट गोजौनिफ्राय नुनो मोनो। सुलुडव फोरमायनाय बायदिब्ला बे सार्विसखौ सिद्धार्थ बिजनेस गुपआ जागायदों। कम्पनीनि ओन्सोलारि बिथोनगिरि केशप न्युपानेया

दावबायनानि सोमोन्दैयै खौरां होनानै फोरमायोदि, सा 38 भारतयारि दावबायारिफोरजों लोगोसे श्री एयारलाइन्सनि बे चार्टर्ड उरां जाहाजखौ बे दावबायनायखौ आबुं खालामनायाव गासै से खवसे घन्टानि थाखाय थिसन्दों। बे गिबि खेब बिरनायाव दिल्ली मुम्बाइ गुजरात आरो उत्तर प्रदेशजों लोगोसे गुबुन गुबुन भारतयारि राइज्योफोरनिफ्राय माखासे दावबायारिफोरा गाखोदोंमोन। न्युपेनआ बेनि सोमोन्दैयै बुंभावदों, कैलाश हाजो आरो मानसरभरनि थाखाय बे उरां जाहाजआ वेसेन खम गोखै, फोथायजाथाव आरो रैखाथि गोनां। बेनि फैगौ समनि बिरनाया फेब्रुवारीनि सिगां सप्ताहयाव जागोन। मख 'नो गोनांदि, चीनआ भारतयारि सिबियारिफोरनि कैलाश मानसरभर दावबायनानि सायाव कभिडनि जाहोनाव बेन्ड खालामना होदोंमोन। नाथाय नेपालनि बे उरां जाहाज सिबिथाइया गोदान मिजिं सोमजिखांहोदों। कभिड महामारिनि सिगां गासै 12 रोजा दावबायारिफोरा बोसोरफ्रोमबो नेपालनि लामाजों कैलाश मानसरभरआव थाडेमोन। नेपालनि लामाजों कैलाश दावबायनो थानाय दावबायारिफोरा सिगाडाव काठमान्डुजों थानांगौ जायो। नाथाय जुदि बे फ्लाइटखौ सायख 'योब्ला बिसोर नेपालनि राजथानियाव थानांगौ जाया। उत्तर प्रदेशनि राजथानि लक्ष्मोनिक्राय नेपालगन्जनि जाथाया गोब्राबे 200 किल 'मिटर आरो बेयाव लामाजोंबो सौहैनो हायो।

हिंसानि गेजेरजों एगक सहरआव बिनि बेचनि सायाव गाग्लोबो। बेनि सानसे उनाव जानाय हिंसायारि जाथाय जानायाव इउनिसफा। बेचनिफ्राय नोगोरारिफोरखौ देहा फाहामसालियाव लानाय समाव

## उत्तरखान्दनिफ्राय लानानै काश्मीर आरो दिल्लीयाव अखानि एलार्ट

गोदान दिल्ली, 30 जानेवारी : सा भारतनि माखासे राइज्योफोरव गुसु आरो रोजा खुवानि दोहौआ सोलिगासिनो दड। भारतयारि बोथोर बिगियान बिफाननि बायदिब्ला हायेन ओन्सोलफोराव अखा हानो हागौ। बेनि अनगायै माहारियारि राजथावनि दिल्लीयाव 1 फेब्रुवारीनिफ्राय अखा हागोन होन्ना हमादों। बिफाननि बायदिब्ला माहारियारि राजथावनि दिल्लीयाव फैगौ



माखासे सानसिमाव फुनि समाव रोजा खुवा खुगोन। लोगोसे शितनि गोहोमाबो सोलिगासिनो दड। खुवानि जाहोनाव दिने नुथायाव खम जादों। सुलुनि बायदिब्ला फैगौ 1 फेब्रुवारीनिफ्राय बोथोरा सोलायनानै अखा हानो हागौ आरो बेबायदि थासारिया 2 फेब्रुवारीसिम सोलिगोन। उत्तर प्रदेशनि 40 निखुइ बांसिन जिल्लाफोराव जोबोद रूसुनिफ्राय एसे रेहाय मोनसिगोन। फैगौ माखासे सानफोरनि गेजेराव मेक्सिमम आरो मिनिमम बिदुडव 2-3 डिग्रि बांसिनगोन। बिहारआव सोनाबारि नारसिन्थाइनि जाहोनाव 31 जानेवारी हरनिफ्राय सरसन्हा अखा हागोन। मख 'नो गोनांदि, उत्तरखान्दआव बोथोर लान्थियै सोलायगसिनो दड। हाजोआरि ओन्सोलफोरव बरफगोलैनायनि गेजेरजों सरसन्हा अखानिबो सन्देह ' फोरमायदों। फारसेथि जम्मु-काश्मीरआवबो अखा आरो बरफगोलैनो हागौ होन्ना बोथोर बिफाना फोरमायदों।

उनाव बिदुडव बांनयजों गुसुनि गोहोमाबो बांगोन। फारसेथि पान्जाबनि सुबुंफोरा गुसुनिफ्राय एसे रेहाय मोनसिगोन। बिफाना फोरमायदोंदि, पान्जाबनि माखासे जिल्लाफोराव सरसन्हानिफ्राय गेजेर थाखोनि अखा हानो हागौ आरो अखानि बे थासारिया 3 फेब्रुवारीसिम सोलिगोन। उत्तरखान्दआवबो बोथोरा सोलायसिगोन। बोथोर बिगियान मिरु रानचीनि बायदिब्ला झारखण्डआव 31 जानेवारी आरो 1 फेब्रुवारीयाव राइज्योनि माखासे बाहागोफोरव अखा हानो हागौ। बेनि अनगायै हारियाणायावबो सोनाबारि नारसिन्थाइनि जाहोनाव 31 जानेवारी हरनिफ्राय सरसन्हा अखा हागोन। मख 'नो गोनांदि, उत्तरखान्दआव बोथोर लान्थियै सोलायगसिनो दड। हाजोआरि ओन्सोलफोरव बरफगोलैनायनि गेजेरजों सरसन्हा अखानिबो सन्देह ' फोरमायदों। फारसेथि जम्मु-काश्मीरआवबो अखा आरो बरफगोलैनो हागौ होन्ना बोथोर बिफाना फोरमायदों।

## सुबुंखान्थि साननि पेरेडआव हारिमु बिफानानि फिरफिलाया सेथि बान्था मोन्नो हादों

गोदान दिल्ली, 30 जानेवारी : हादतआव बे खेबाव 75 थि सुबुंखान्थि सान फालिनाय जायो। बे समाव माखासे बिफानफोरनि गेजेरजों फिरफिला दिन्थिनाय नुनो मोन्दों। बे खेबाव सुबुंखान्थि सानाव फ्रान्सनि हादतगिरि इमानुएल मेक्रनआ गाहाइ आलासि जायो। बेराफारसे हादत आरो गुबुन हादतनिफ्राय फैनाय आलासिफोराबो बे

फिरफिलाफोरनि गोजोन्नाय लादों। फारसेथि जेराव माखासे राइज्योफोरा गाव गावनि फिरफिलाफोरनि खेंफोरथिखौ होदों। बेबायदिनो मिरु सरकारनि माखासे मावख 'फोर आरो बिफानफोराबो फिरफिला दिन्थिदों। बिसोरनि गेजेराव थाफानाय हारिमुवारि बिफाननि फिरफिलाया सेथि बान्था देरहानो हायो। हारिमु बिफानआ बेखौ



लानानै बिबुंथि फोसावना बेनि खौरां होदों। हारिमु बिफाना 75 थि सुबुंखान्थि साननि पेरेडआव फिरफिला दिन्थिनायाव गिबि

बान्थाखौ मोन्नो हायो। बिबानगिरिफोरा थानाय समबारखालि बेनि खौरां होयो। हारिमु बिफाना गावसोरनि मोनसे बिबुंथियाव बुंदोंदि, फिरफिलायाव थानाय नेसॉनफोरनि दिन्थिनायाव बाहायनाय टेक्नीकफोरा नायगिरिफोरनि गोसोखौ बोनो हादों। बे फिरफिलानि गाहाइ थांखिया भारतनि हारिमुखौ

दिन्थिनायमोन। बे फिरफिलायाव भारतखौ सुबुंखान्थिनि देरहासार महरैबो दिन्थिनाय जादोंमोन। बेयाव एनामर्फिक टेक्नीकखौ आजवाना लानाय जादोंमोन। बे टेक्नीकआ जौनि हारिमुखौ जौगाखाडे दिन्थिदों। हारिमु बिफाना बे देरहासारनो हानायाव गोबां गोग्गानाय मोन्दों होन्ना फोरमायदों।

## दरनै हादरफोर एसिया कापटवौ खुंफुंनयनि खाबु मोन्नो हासिगौ

गोदान दिल्ली, 30 जानुवारी: एसिया काप 2023 आ अडिआइ फर्मेटआव खुंजादोंमोन। बेनि उनाव भारतीय क्रिकेट टीमआ श्रीलंकाखौ 10 उइकेटजों फेजेन्नानै बिमुं देरहादोंमोन। दायो एसियान क्रिकेट गौथुमआ फेगौ साननैसोनि थाखाय इन्डनेसियानि बालिआव मोनसे जथुम्मा खुंफुंनो थांखि लादों। जेराव क्रिकेटजों सोमोन्दो थानाय गोबां गोनांथा थिरांथाफोरा लाजानो हागौ। बेयाव जय साहाजों लोगोसे कन्टिनेन्टेल एस'सिएसननि गासैबो सोद्रोमाफोरा बाहागो लाहैगोन। बे जथुम्मानि गेजेरजों जानो गोनां एसिया काप, मिडियानि मोन्थाय आरो मा फर्मेटआव खुंफुंनय जागोन बेफोरखौ लानानै जोबथा आरो



गोख्रों थिरांथा लानो हागौ। एसिया कापनि थावनिखौ एसियान क्रिकेट काउन्सिलनि जथुमावने थि खालामनो हायो। रिपर्टनि बादिब्ला, जानो गोनां एसिया कापखौ टी-20 फर्मेटआव खुंफुंनो हागौ आरो बे दुर्नामेन्टखौ इउएइ आरो अमानआ मोन्नो हागौ। थानाय एसिया कापखौ पाकिस्तानआ खुंदोंब्लाबो भारतीय टीमआ पाकिस्तानसिम दावबायैनि

अजदआव बादायलायनाया हाइब्रिड मडेलआव खुंजादोंमोन। जायनि थाखाय बे दुर्नामेन्टआ श्रीलंका आरो पाकिस्तानजों जुथायै खुंफुंजादोंमोन। नाथाय दासिमबो एसिया कापखौ क्रिकेट गेलेग्रा लोगो हादरफोरनि गेजेराव खुंफुंनो मोनगोन एबा मोनानि सायाव रोखा जायाखै। नाथाय बेनि सिगां इउएइआ 2018 आरो 2022 आव एसिया कापखौ

खुंदोंमोन। नाथाय बै समाव बादायलायनाय नि सायख'जानाय बान्जायगिरिफोरा भारत आरो श्रीलंकासोमोन। एसिया कापआ मोनसे गोनांथा क्रिकेटनि दुर्नामेन्ट। जेराव एसियानि क्रिकेट गेलेग्रा हादरफोरनि गेजेराव सेलेन्ज लाज्जलायनाय जायो। वर्ल्ड क्रिकेटआव एसिया कापनि मिडिया मोन्थायफोरा मोनसे गोनांथा बिफाव लायो। मानोना बेनिफ्राय गोबां रं फेयो। थानाय 8 बोसोरनिफ्रायनो जिडनी स्टारआ एसिया कापनि मिडिया मोन्थायखौ लाखिबोदों। एसिसिखौ आथिखालाव जय साहाआ दैदेनगासिनो दड। एसिसिनि गाहाइ बिफावआ बोसोरनैनि उन उन आबु सोद्रोमाफोरनि गेजेराव गुबुन जायो।

## मन्दीप जांगड़ाआ आमेरिकायाव सुपर फेदारवेटनि बिमुं देरहादों

गोदान दिल्ली, 30 जानुवारी: भारतीय बक्सार मन्दीप जांगड़ाआ वाशिंगटननि टपेनिश सिटिआव गेराड एस्क्ववे लखौ फेजेन्नानै आमेरिकायाव खुंजानाय नेसेनेल बक्सिं एस'सिएसननि इन्टारकन्टिनेन्टेल रूपार फेदारवेटनि बिमुं देरहादों। गावनि बक्सिं केरियारआव दासिमाव जेनेफेरै 30 बोसोर बैसोनि जांगड़ाआ बारग' अलिम्पिक सिलभार मेडेलिस्ट रय जन्स जुनियरनि दिथायाव सोलौंथाय लायो। मन्दीपआ आमेरिका नि बक्सारजों बादायनो थाखाय गावनि सिगांनि 75 कि:ग्रा: लिटरथायारि के टेगरिखौ नागरानै गाहाइसिन लिटरथाय के टेगरिआव बाहागो लादोंमोन। देरहानायनि उनाव बिथाडा गावनि जाफुंसारनाय खौ गावनि सिमल' लायाजासे दावबायनायाव गावखौ मदद होनाय साफ्रोमबो सुबुफोरनि सिम होदों। लोगोसे गावनि जाफुंसारनाय हाथिनायाव कचफोरनि अनगायै नख'र, अन्सायगिरिफोर आरो गावजों मददआव थाबोनायफोरनि सिम होदों। बेनि अनगायै गावनि बे बिमुं देरहानायखौ बिथाडा हादरनि सिम बाउदों। लोगोसे इयुनि सिमाव हादरनि थाखाय बेबादिनो रोखोमसे सन्मान आरो बिमुं देरहानो नाजागोननि फोथायथि होदों। जांगड़ाआ 2021 आव गावनि जिउ राहायारि बक्सिं केरियारआव आगान होजे नदोंमोन। एस्क्ववे लखौ फेजेन्नानय सिगां जांगड़ाआ नकआउटजों



गावनि खेब 6 बाउटफोरनि देरहादोंमोन। बिथाडा एमेच्युर गेजेराव खेबबै आव सार्किटआवबो मोजाडै

दिन्थिफुंदों। 2014 आव ग्लासग' कमनवेल्थ गेम्सआव गंसे रुफानि मेडेल देरहानाय बिथाडा बै समनिफ्रायनो गावनि केरियारआव उन फार्से फावसयना फेफिनाखै। फ्लरिडायाव थानाय नेसेनेल बक्सिं एस'सिएसनआ जिउ राहायारि बादायनायनि थाखाय गनायथि होजानाय बक्सिंनि आफाद।

## रहित शर्माआ रेकर्ड थिसन्नायनि लामायाव



गोदान दिल्ली, 30 जानुवारी: भारत आरो इंग्लेण्डनि गेजेराव गेलेनाय गिबि मेचआव भारतीय क्रिकेट टीमनि केप्टेन रहित शर्माआ गोख्रों बेटि खालामनो हायाखैमोन। बिथाडा इंग्लेण्डनि हेंथायै खेबनै फिसा इनिंस गेलेदों। जायनि थाखाय रहितआ जानो गोनां मेचखौ नेगासिनो जानागौ। जुदि रहितनि बेटिआ नैथि मेचआव मोजाडे जायो अब्ला बिथाडा मोनसे रेकर्डआव मुं लाखिगोन। मिजिंथि बादिथै गेलेनो हायोब्ला

रहितआ भारतनि सानै गेदेमाफोरखौ बारस'नो हागोन। रहित शर्मानि टेस्ट क्रिकेटनि बाश्चा बुडेब्ला दासिमाव गेलेनाय खेब 55 मेचआव 3800 रन लाबाय। बे समाव बिथानि जौखोन्दोआ 45.23 आव थाहैयो आरो स्ट्रइक रेटआ 56.60 आव थिसनजायो। बिथाडा टेस्ट क्रिकेटआव दासिमाव खेब 10 सेन्सुरि आरो खेब 16 हाफ सेनसुरि लाखांबाय। रहितआ 4000 टेस्ट रन लानो हानायनिफ्राय 200 रननि जानगासवल' दंसे। बे खेबआव रहितआ मोनसे मेचआव 200 रन लायोब्ला जारिमिन थिसनगोन। रहितआ 4000 टेस्ट रनखौ आबु खालामनो हायोब्ला भारतयारि टीमनि बारग' गाहाइ कच रबि शाशत्री आरो मुस्ली भिजयनि रेकर्डखौ उनाव लाखिगोन। शाशत्रीनि मुडाव खेब 80 टेस्टआव 3830 रन आरो भिजयनि मुडाव खेब 31 टेस्टआव 3982 रन थिसनजानानै दड। थामहिनबा रहितनो शाशत्रीखौ बारनो थाखाय 31 रननिल' गोनांथि दंसे। गुबुन फार्से भिजयखौ बारनो थाखाय खेबसे सेन्सुरि रन लानागौ जायो। रहितआ 4000 रन आबु खालामोब्लानो बे थाखोसिम सौहेनाय भारतनि 16 थि गेलेगिरि जागोन। इंग्लेण्ड सिरिजनि गिबि मेचनि बाश्चा बुडेब्ला बिथाडा गात्रियै दिन्थिफुंदोंमोन। मानोना गिबि इनिंसआव बिथाडा 24 रनआवनो आउट जादों आरो नैथि इनिंसआव 39 रनआवनो पेभिलियनसिम गिदिबानांदों।



नौंथानिफ्राय सोरबा सरकारि बिफानगिरि एबा मावफारियाआ घुस बिदों नामा?

अननानै जौनो खोनथा हर

Whatsapp No. ▶ 60269 01243

Toll Free No. ▶ 18003453767

Control Room ▶ 03612462295

S.P. (I) ▶ 6026903481

S.P. (III) ▶ 6026903483

Addl. S.P. ▶ 6026903418

EMAIL ID ▶ complaints.vac@gmail.com

TWITTER ▶ @DIR\_VAC\_ASSAM

नोजोरथिग्रा आरो जास्ल'नायनि हेंथा बिथोनगिरि मावख', आसाम, श्रीमन्तपुर, गुवाहाटी-781032

<https://dgvigilance.assam.gov.in/>

Janasanyog/D/17091/23/31-Jan-24



सत्यमेव जयते  
आसाम सरकार

## गेदेर केरियार काउन्सिलिं हाबाफारि लोगोसे केरियार मेला

2 फेब्रुवारी, 2024 अक्टखालि, नेडफि हाउस दिसपुरआव

आरो

अनलाइनआव काउन्सिलिं हाबाफारि

राइज्योनाडै गोबांजौ फरायसालि आरो फरायसालिमाफोराव

- मुंदांखा बोसोनगिरिफोरनि सुबुरुन आरो थुलुंगाखां बिबुंथि
- थांखिजानाय हान्जा थाखो गुनिफ्राय थाखो जिने आरो ग्रेजुएड थाखोनि फरायसाफोर
- गं 25 फसंथानफोरनिफ्राय गुबुन गुबुन केरियार अप्सनफोरखौ सायख'नो थाखाय बाहागो लागोन

### थांखिफोर

- सोलिफु आरो फेबाय थानाय साखिनि बाजारआव गोबांथांर केरियारफोरनि फार्से सांग्रांथि लाबोनाय
- फरायसालि थाखोनिफ्राय थि समाव थि केरियार सायख'नायाव हेफाजाब खालामनाय
- थांखिखौ जाफुंसार खालामनायनि सिमां आरो कौशल खालामनायाव हेफाजाब होनाय
- गावआरि थिसनथाय, फालांगि आरो दारिमिनारि बिथिनि मुलुगआव खाबु मोन्नायनि सायाव फोरमायथिखौ मिबथिहोनायाव हेफाजाब खालामनाय

बेयो केरियारनि मेला साखिनि मेला नडा

बान्जायदों

थिसनथाय आरो सिल्प बिद्दा फोरोंथाइ बिथोनगिरि मावख', आसाम कौशल, थिसनथाय आरो दारिमिनारि बिफान, आसाम सरकारनि सिडाव

फोरमायथाय आरो सुबुं फोनांजाब बिथोनगिरि मावख', आसामजों फोसावजानाय

Connect with us



@diprassam dipr.assam.gov.in

आसाम बार्ता साब्सक्राइब खालामनो



7636834943 आव "Assam" लिरनानै ह्वाटसएप खालाम

Janasanyog/D/17113/23/31-Jan-24